

歷代名臣奏疏

歷代名臣奏疏卷之三

明太史王錫爵擇

魏相上封事

漢宣帝地節二年

相曰聖主褒有德以懷萬方顯有功以勸百僚是以朝廷尊榮今新失大將軍宜顯明功臣以鎮藩國毋空大位以塞爭雄車騎將軍安世忠信謹厚國家重臣也宜尊其位上亦欲用之安世深辭不能得

○蕭望之兩電疏

漢宣帝地節三年

京師大雨雹大行丞相望之上疏言陛下思政求賢克濟之用心也然善祥未臻陰陽不和是大臣任政一姓顯

權所致也。附校大者賊本心。私家盛者危公室。惟陛下躬萬几、選同姓、舉賢才、以為腹心、與參政謀、明陳其職、以考功能、則庶事理矣。上素聞望之名、拜為謁者。

○路溫舒治獄論

漢宣帝地節三年

漢禁罔苛密。路溫舒上書曰：臣聞秦有十失，其一尚存。治獄吏是也。夫獄者天下之大命，死者不可復生，絕者不可復屬。書曰：與其殺不辜，寧失不經。今則不然。上下相殘，以刑為明。深者獲公名，平者多後患。故治獄吏皆欲人死，非憎人也。自安之道，在人死。是以刑徒比肩，大獄歲計，以萬數。此仁聖所傷也。夫人情安則樂生，痛則

思死華楚之下。何求不得。故囚不勝痛飾詞以示之。吏治者利其然。則指導以明之上。奏畏卻。則鍛鍊而周內之。蓋奏當之成。雖臬陶聽之。猶以為有餘辜。何則。成鍊者衆。文致之罪明也。故俗語曰。畫地為獄。議不入。刻木為吏。期不對。此疾吏之風。悲痛之辭也。惟陛下省法制。寬刑罰。則太平之風可具于世。上善之。

張敞上封事漢宣帝地節四年

臣聞季友有功於魯。趙衰有功於晉。田完有功於齊。皆疇其庸。延及子孫。終後田氏篡齊。趙氏分晉。季氏顓魯。故仲尼作春秋。述盛哀。訖世卿。最甚乃者。大將軍決大

計安宗廟海內之命斷于掌握方其盛時或有能請罷  
三侯就第明詔以恩天下必謂陛下不忘功德霍氏世  
世無患今朝廷不聞直言而明詔自親其文非策之得  
也今兩侯已出人情不甚相遠臣度大司馬及其枝屬  
必有惧心夫近臣自危非完計也惟陛下省察焉

○龔遂治盜賊對

漢宣帝地節四年

渤海盜賊並起上選能治者丞相御史舉龔遂拜渤海  
太守召問何以治之對曰海瀕遐遠不沾聖化民困飢  
寒而吏不恤故使陛下赤子弄兵潢池中耳今欲臣勝  
之耶將安之耶曰選用賢良固欲安之也遂曰臣聞治

亂民猶治亂繩不可急也唯緩之然後可治願無拘臣以文法得一切便宜從事上許之遂至渤海躬率儉約勸民農桑盜賊乃止郡乃大治

魏相諫伐匈奴

漢宣帝元康元年

上與趙充國等議欲因匈奴衰弱出兵擊其右地使不敢復擾西域魏相上書諫曰救亂誅暴謂之義兵義者王敵加於已不得已而起者謂之應兵兵應者勝爭恨小故不忍憤怒者謂之忿兵兵忿者敗利人土地偵竇者謂之貪兵兵貪者破恃國家之大矜民人之衆欲見威於敵者謂之驕兵兵驕者滅間者匈奴未有犯於

邊境今聞欲興兵入其地臣愚不知此兵何名者也今年計子弟殺父兄妻殺夫者凡二十二人臣愚以為此非小變也今左右不憂此乃發兵報讎芥之忿於遠夷殆孔子所謂吾恐季孫之憂不在顓臾而在蕭牆之內也上從相言

○王褒聖主得賢臣頌

漢宣帝神爵元年

其詞曰夫賢才國家之器用也故君人者勤於求賢而逸於得人賢者之未遭遇也揆事圖策則君不用其謀諫見愜誠則上不然其信是故伊尹動於鼎俎太公困於鼓刀百里自鬻齊子飯牛罹此患也及其遇明君遭

聖主也。澤等合上意諫諍，即見聰進退得聞其忠任職，得行其術。故世必有聖知之君，而後有賢明之臣。故虎嘯而風烈，龍興而致雲。蟋蟀俟秋陰，蜩螗出以陰。易曰：飛龍在天，利見大人。詩曰：皇皇多士，生此王國。故世平主聖，俊乂將自至；明明在朝，穆穆布列，聚精會神，相得益章，猶未足以喻其意也。故聖主必待賢臣而弘功業，俊士亦俟明主以顯其德。上下俱欲，驩然交欣，翼乎如鴻毛，遇順風，沛乎若巨魚，縱大壑。休徵自至，壽考無疆。何必偃仰屈伸，若彭祖、咄嗟呼吸，如喬松哉。

王吉言得失疏

漢宣帝神爵元年



陛下躬聖質、總萬方、思世務、興太平、臣伏而思之、欲治之主、不世出、公卿幸得遭遇其時、言聽諫從、然未有建萬世之長策、舉明主於三代之隆者也、臣聞民者弱而不可勝、愚而不可欺也、聖主獨行於深宮、得則天下稱誦之、失則天下咸言之、行發於近、必見於遠、孔子曰、安上治民、莫善於禮、非空言也、臣願陛下承天心、發大業、與公卿大臣、延及儒生、述舊禮、明王制、驅一世之民、躋之仁壽之域、則俗何以不若成康、壽何以不若高宗、竊以爲夫婦人倫大綱、大壽之萌也、世俗嫁娶太早、未知爲人父母之道、而有子、是以教化不明、而民多夭、周之

所以能致治刑措而不用者以其禁邪於冥冥絕惡于未萌也

○趙充國屯田奏

漢宣帝神爵元年

宣帝賜書以十二月擊先零羌時羌降者萬餘人矣充國度其必壞欲罷騎兵屯田以待其敝作奏一上上報曰皇帝問後將軍言欲罷騎兵萬人留田即如將軍計虜當何時伏誅兵當何時得決熟計其便復奏臣聞帝王之兵以全取勝是以貴謀而賤戰戰而百勝非善之善者也故先爲不可勝以待敵之可勝蠻夷習俗雖殊於禮義之國然其避害就利愛親戚畏死亡一也今

愁於寄託、骨肉離心、人有畔志、而班師罷兵、萬人留田、順天時、因地利、以待可勝、雖未即伏辜、決可期月而望、毛解臣謹條不出兵留田便宜十二事、步兵九校、吏士萬人、留屯以爲武備、因田置穀、威德並行、一也、又因排折羗虜、令不得歸沃饒之墜、貧破其衆、以成羗虜相畔之漸、二也、居民得並田作、不失農業、三也、軍馬一月之食、度支甲士一歲罷騎兵、以省大費、四也、至春省甲士、卒循河湟漕穀、至臨羗、以賑羗虜、揚威武折衝之具、五也、以閒暇時、下所伐材、繕治郵亭、烹入金城、六也、兵出無名、無辜不出、令反叛之虜、竄於風寒之地、雖霜露疾

疫疾墮之患坐得必勝之道七也亡經阻遠追死傷之  
害八也內不損威武之重外不令虜得乘間之墊九也  
又亡驚動河南罕開使生他變之憂十也治湟隍中道  
橋令可至鮮水以制西域伸威千里從枕席上過師十  
一也大費既省徃後豫息以戒不虞十二也留屯田得  
十二便出兵失十二利惟明詔采擇上竟嘉納之

○蕭望之入粟贖罪議

漢宣帝神爵元年

張敞請令有罪者入粟邊郡贖罪望之等議以為民  
陰陽之氣有仁義欲利之心在教化之所助雖堯在上  
不能去民欲利之心而能合其欲利不勝其好義也雖

桀在上不能去民好義之心而能令其好義不勝其欲利也故堯桀之分在於義利道民不可不慎也金民以粟贖罪則富者得生貧者獨死是貧富異刑而法不一也貧人父兄因執子弟將不顧死生赴財利以求救之一人得生十人以喪政教一傾雖周召恐不能復天漢四年死罪入錢減一并受強請奪至為盜賊故不便

○賈饒奏封事

漢宣帝神爵二年

饒剴直公清刺舉無所避時方用刑法奏曰方今聖道寢微儒術不行以刑餘為周召以法律為詩書

○賈誼之黑珠崖郡議

漢元帝初元三年

初武帝置珠厓儋耳等郡海、中洲上，率數歲一反。上即位之明年，珠厓山南縣反，上博謀於群臣，欲擊之。待詔賈捐之曰：「臣聞堯舜禹之聖德，地方不過數千里，東漸於海，西被流沙，朔南暨聲教迄於四海，歟與聲教則治之，不欲與者不強治也。故君臣歌德，含氣之物各得其宜也。至秦皇帝興兵攻遠，貪外虛內，而天下潰叛，禍卒於二世之末。賴聖漢初爲百姓請命，平定天下。至孝文皇帝，閔中國未安，偃武行文，則斷獄數百，民賦四十，丁男三年而一事，時有獻千里馬者，下詔却之，令四方無求來獻。當此之時，逸遊之樂絕，奇麗之賂塞，鄭衛之娼

微矣。至孝武皇帝元狩六年，太倉之粟紅腐而不可食，都內之錢貫朽而不可校。廼探平城之事，錄冒頓以來數爲邊患，藉兵厲馬以攘服之。西連諸國，東過碣石，北卻匈奴，制海南，以爲八郡。則天下斷截萬數，民賦數百，造鹽鐵酒權之利以佐用度，猶不能足。當此之時，盜賊並起，軍旅數發，父戰死於前，子鬪傷於後，女子乘亭鄣，孤兒號於道。老母寡婦飲泣巷哭，遙設虛祭，想魂於萬里之外。是皆靡地好大，征伐不休之故也。今關中民衆入困連年，流離離其城郭，相枕席於道路，人情莫親，父老莫樂。夫婦至嫁妻賣子，法不能禁，義不能止。此社稷

之憂也。今陛下不忍悄悄之忿，欲驅士衆擠之大海之中，快心幽冥之地，非所以救助饑荒，保全元元也。詩云：『秦爾蠻荆，大邦爲讎。』言聖人起則後服，中國表則先畔。動爲國家難，自古而怠之久矣。何況延服其南方萬里之蠻乎？駱越之人，父子同川而浴，相習以異飲，與禽獸無異。本不足郡縣置也。顓顓獨居一海之中，霧露氣濕，多毒草蟲蛇水土之害人，未見虜戰士自死，又非獨殊厓有珠犀玳瑁也。棄之不足惜，不擊不損威，其民譬猶魚鱉不足貪也。臣竊以徃者，羗軍言之，暴師曾未一年，兵出不踰千里，費四十餘萬。大司農錢盡，廩以少府禁。



錢續之夫一隅爲不善費尚如此况於勞師遠攻亡士  
毋功乎求之往古則不合施之當今又不便臣愚以爲  
非冠帶之國禹貢所及春秋所治皆可且無以爲也願  
遂棄珠厓專用恤關東爲憂

○劉向條災異封事

漢元帝永光元年

臣聞舜命九官濟濟相讓和之至也衆臣和於朝則萬  
物和於野簫韶九成而鳳凰來儀至周幽厲之際朝廷  
不和轉相悲怨則日月薄蝕水泉沸騰山谷易處霜降  
失節由此觀之和氣致祥乖氣至異祥多者其國安異  
多者其國危天下之常經古今之通義也正臣進者治

之表正臣陷者亂之機也夫執狐疑之心者未讒賊之  
口持不斷之意者開群枉之門讒邪進則衆賢退群枉  
成則正士消故易有否泰小人道長君子道消則政且  
亂君子道長小人道消則政日治今以陛下明知誠深  
思天下之心杜群枉之門廣開衆門之路使是非炳然  
可知則百異並消而衆祥並至太平之基萬世之利也  
劉向諫外家封事 漢元帝永光元年

臣聞人君莫不欲安然而常危莫不欲存然而常亡失  
御臣之術也夫大臣操權柄持國政未有不爲害者也  
昔晉有六卿齊有田崔衛有孫寧魯有季孟世執朝柄

終後田氏取齊六卿分晉崔杼弑其君光孫林父甯殖  
出其君行弑其君剽三家並專國政卒逐昭公秦穰侯  
涇陽專國擅勢賴寤范雎之言而秦復存二世委任趙  
高終有閹樂望夷之禍近事不遠即漢所代也漢興諸  
呂席太后之寵欲危劉氏賴絳侯朱虛侯等誅滅之然  
後劉氏復安今王氏一姓乘朱輪華轂者三十三人青  
紫貂蟬充盈幄內魚鱗左右行汙而寄治身私而託公  
依東宮之尊假甥舅之親尚書九卿州牧郡守皆出其  
門莞執樞機朋黨比周游談者助之說執政者爲之言  
排抑宗室孤弱公族內有官蔡之萌外假周公之論歷

上古至秦漢外戚僭貴未有如王氏者也。事勢不兩大  
王氏與劉氏亦且不兩立。如下有泰山之安則上必有  
累卵之危。陛下爲人子孫守持宗廟而立國祚移於外  
戚縱不爲身崇宗廟何婦人內夫家外父母家此亦非  
皇太后之福也。孝宣皇帝不與舅平昌樂昌侯權所以  
安全之也。夫明者起福於無形銷患於未然。宜發明詔  
吐德音接近宗室默遠外戚毋授以政則王氏永存保  
其爵祿劉氏長安不失社稷所以褒睦外內之姓子子  
孫孫無疆之計也。如不行此策田氏復見於今六卿必  
起于漢爲後嗣憂昭昭甚明不可不深圖不可不蚤慮。

易曰君不密則失臣臣不密則失身機事不密則害成  
惟陛下深留聖思審固幾密覽往事之戒居萬安之實  
用保宗廟天下幸甚

匡衡政得失疏

漢元帝永光二年

臣竊見大赦之後奸邪不爲衰止今日大赦明日犯法  
相應入獄此殆導之未得其務也蓋保民者陳之以德  
義示之以好惡觀其失而制其宜故動之而和綏之而  
安朝廷者天下之禎幹也公卿大夫相與循樂恭讓則  
民不爭好仁樂施則下不暴上義高節則民興行寬柔  
和惠則衆相愛四者明王之所以不嚴而成化也何者

朝有變色之言則下有爭鬪之患。上有自專之事則下有不讓之人。上有克勝之佐則下有傷害之心。上有好利之臣則下有盜竊之民。此其本也。臣竊考國風之詩周南召南被聖賢之化深故篤於行而廉於邑。鄭伯好勇而國人暴虎。秦穆貴信而不大從死。陳夫人好巫而民淫祀。晉侯好儉而民畜聚。太王躬仁邠國貴恕。由是揆之治天下者審所尚而已。今之僞薄伎害不讓極矣。臣聞教化之流非家至而人說之也。賢者在位能者在職朝廷崇禮百僚敬讓道德之行由內及外自近者始然後民知所法遷義樂進而不自知。是以百姓安陰陽

和神靈應而嘉祥見

匡衡治性正家疏

漢元帝永光五年

臣聞受命之王務在創業垂統傳之無窮繼體之君心存於承宣先王之德而褒大其功陛下子愛海內而姦邪未禁者殆制度變更吏民無所信家釋樂成之業而虛爲此紛紛也願陛下留神於遵制揚功以定群下之心傳曰審好惡理情性而王道畢矣治性之道必審己之所有餘而強其所不足蓋聰明疏通者戒於太察寡聞少見者戒於雍蔽勇猛剛强者戒於太暴仁愛溫良者戒於無斷湛靜安舒者戒於後時廣心浩大者戒

於遺忘惟陛下戒所以崇聖德且又聞室家之道脩則天下之理得故詩始國風原情性而明人倫也禮本冠婚正基兆而防未然也福之興莫不本乎室家道之衰莫不始乎梱內故聖王慎防其端禁於未然不以私恩害公義陛下聖德純備莫不脩正則正家而天下定矣

侯應罷邊備議

漢元帝竟寧元年

臣聞北邊外有陰山單于依阻其中孝武出師攘之於幕北起亭隧設屯戍以守之匈奴失陰山之後過之未嘗不哭也如罷備塞戍卒不可一也夷狄之情因則卑順強則驕逆古者安不忘危二也中國有禮義之教刑



蜀之誅愚民猶尚犯禁又况單于能必其衆不犯約哉  
三也中國設塞非獨爲匈奴亦爲諸屬國降民怨其思  
舊逃亡四也生嫚易分爭之漸五也從軍者子孫貧困  
一旦出亡六也邊人奴婢聞匈奴中樂有亡出塞者七  
也盜賊犯法如其窘急亡走北出則不可制八也起塞  
築治功費久遠一切省之卒有他變不可卒復九也募  
于自以保塞請求無已小失其意則不可測十也非所  
以保持至安威制百蠻之長策也

○谷永救陳湯疏

漢元帝竟寧二年

臣聞楚有子玉得臣文公爲之側席而坐趙有廉頗藺

服強秦不敢窺視并陘近漢有郅都魏尚匈奴不敢南  
鄉沙幕時是言之戰克之將不可不重也蓋君子聞鼓  
輦之聲則思將率之臣竊見關內侯陳湯忿郅支之無  
道閔王誅之不加策慮萬億義勇奮發卒興師奔逝斬  
郅支首報十年之逋誅雪邊吏之宿耻威震百蠻武暢  
四海漢元以來征伐方外之將未嘗有也今湯坐言事  
非是執憲之吏欲致之大辟昔白起以纖介之過賜死  
杜郵秦民憐之今湯喋血萬里之外薦功祖廟以言事  
爲罪無赫赫之惡周書曰記人之功忘人之過宜爲君  
者也夫犬馬有勞于人尚加帷蓋之報况國之功臣者

我竊恐陛下忽於鼓鼙之聲不察周書之意而忘帷蓋之施庸臣遇湯卒從吏議使百姓介然有秦民之恨非所以厲死難之臣也

○劉輔慎宮選䟽

漢成帝永始元年

上欲立趙婕妤爲皇后諫議大夫劉輔上䟽曰臣聞天之所興必先賜以符瑞天之所違必先降以災變此自然之占驗也昔武王周公承順天地必享魚鳥之瑞然猶君臣祗懼動色相戒况於季世不蒙繼嗣之福屢受威怒之異者乎雖夙夜自責次過易行畏天命念祖業妙選有德之世考卜窈窕之女以承宗廟順神祗塞天

下望子孫之祥猶恐晚暮今乃觸情縱欲傾於卑賤之女欲以母天下惑莫大焉

梅福論王氏書

漢成帝永始三年

南昌梅福上書曰昔高祖納善若不及從諫如轉圜陳平起於亡命而爲謀主韓信拔於行陳而建上將故爵祿束帛者天下之砥石高祖所以厲世磨鈍也至秦則不然張誅謗之罔以爲漢毆除倒置秦阿授楚其柄故誠能勿失其柄天下雖有不順莫敢觸其鋒今陛下既不納天下之言又加戮焉天下以言爲戒最國家之大患也方今君命犯而主威奪外戚之權日以益隆陛下

不見其形。願察其影。勢陵於君。權隆於主。然後防之。亦無及也。

谷永論神恠

漢成帝永始四年

臣聞明天地之性不可惑。以神恠知萬物之情不可罔。以非類背諸仁義之正道。不尊五經之法言。而盛稱奇恠鬼神。遙興輕舉。浮游蓬萊。黃冶變化者。皆挾在道。以欺罔世主。聽其言。若將可遇。求之盪盪。終不可得。是以明王距而不聽。聖人絕而不語。昔長弘以鬼神之術輔靈王。諸侯愈叛。楚懷王隆祭祀。事鬼神。身辱國危。秦始皇甘心於神僊之道。天下怨恨。漢興新垣平。少翁公孫

卿樂大等言神僊祭祀致福之術其後以術窮詐得誅夷伏辜夫周秦之末嘗專意散財厚爵祿竦精神舉天下以求之矣曠日經年靡有毫釐之驗足以揆今惟陛下距絕此類毋令姦人有以窺朝者

師丹論限田

漢成帝綏和二年

初董仲舒說武帝以秦用商鞅之法除井田民得賣買富者田連阡陌貧者無立錫之地邑有人君之尊里有公侯之富小民安得不困古井田法雖難卒行宜少近古限民名田以贍不足塞兼并之路薄賦歛省徭役以寬民力然後可善治也及上即位師丹復建言今累世

承平豪富吏民訾數鉅萬而貧弱愈困宜畧爲限奏上不報

賈讓治河三策

漢成帝綏和二年

騎都尉秦博求能浚川疏河者待詔賈讓奏言治河有上中下三策夫土之有川猶人之有口也治土而防其川猶止兕啼而塞其口豈不據止然其死可立而待也故曰善爲川者決之使遠善爲民者宣之使言故徙冀州民當河衡者決黎陽遮害亭放河使北入海此上策也多穿漕渠於冀地使民得以溉田分殺水勢凡中策也乃若繕完故隄增卑倍薄勞費無已此下策也

楊雄諫絕單于

漢哀帝建平四年

匈奴單于上書願朝五年公卿以爲虛費內不可且勿  
許楊雄上書諫曰臣聞六經之治貴於未亂兵家之勝  
貴於未戰今單于上書求朝國家不許而辭之臣愚以  
爲漢與匈奴從此隙矣匈奴本五帝所不能臣三王所  
不能制其不可使隙甚明以秦始皇之強蒙恬之威然  
不敢窺西河乃築長城以限之會漢初興以高祖之威  
靈三十萬衆困於平城高皇后時匈奴悖慢大臣權書  
遺之然後得解及孝文時匈奴侵暴北邊侯騎至雍甘  
泉京師大駭發三將軍屯細柳棘門霸上以備之數月



乃罷孝武即位設馬邑之權欲誘匈奴徒費財勞師一虜不可得見况單于之面乎其後深惟社稷之計規恢萬載之策乃大興師數十萬使衛青霍去病操兵前後十餘年於是浮西河絕大幕破寘顏襲王庭窮極其地追奔逐北封狼居胥山禪於姑衍以臨翰海自是之後匈奴震怖益求和親然而未肯稱臣也且夫前世豈樂傾無量之費役無罪之人快心於狼望之北哉以爲不一勞者不久佚不暫費者不永寧是以忍百萬之師以挫餓虎之喙運府庫之財填廬山之壑而不悔也至本始之初匈奴有桀心欲掠烏孫侵公主乃發五將之師

以擊之時鮮有所獲徒奮揚威武明漢兵若雷風耳雖  
空行空返尚誅兩將軍故北狄不服中國未得高枕安  
寢也建至元康神爵之間大化神明鴻恩溥洽而匈奴  
內亂五單于爭立目逐呼韓邪攜國歸死扶伏稱臣然  
尚羈縻之計不顯制自此之後次朝者不拒不欲者不  
強今單于歸義柰何疑而隙之使有恨心因以自絕終  
無北面之心書奏天子悟焉更報單于書而遣之

王嘉任人疏

漢哀帝元壽元年

上益封董賢二千戶王嘉封還詔書諫曰臣聞爵祿土  
地天之有也書曰天命有德五服五章哉王者代天爵

人尤宜慎之、不得其宜、則衆庶不服、感動陰陽、其害疾  
自深、高安侯董賢、倖幸之臣、而損至尊、以榮寵之、四方  
皆同怨疾、陛下寢疾久不平、繼嗣未立、宜思正萬事、順  
天人之心、以求福祐、柰何輕身肆意、不念高祖勤苦、垂  
立制度、欲傳之無窮哉、書奏上、不能平、及封還董賢事、  
上益怒、下嘉廷尉、嘉喟然仰天嘆曰、幸得充備宰相、不  
能進賢退不肖、以是負國死、有餘責、遂不食、嘔血而死、

嚴尤諫伐匈奴

新莽始建國三年

弁欲立威匈奴、遣孫惠等率十二將分道並出、嚴尤諫  
曰、匈奴爲害所從來久矣、未聞上世有必征之者也、後

世三家因秦漢征之然而未有得上策者也周得中策漢得下策秦無策焉周宣王時玁狁內侵至於涇陽命將征之盡境而還其視玁狁之侵譬猶蚩蚩毆之而已故天下稱明是爲中策漢武帝選將練兵約齊輕糧深入遠戍雖有克獲之功胡輒報之兵連禍結三十餘年中國疲敝匈奴亦創艾而天下稱武是爲下策秦王不忍小耻而輕民力築長城延袤萬里轉輸之行起於負海疆境既全中國內竭以喪社稷是爲無策今天下比年饑饉北邊尤甚發三十萬衆具三百日糧東援海岱南取江淮然後乃備計其道里一年尚未集合兵先至

者聚居暴露師老械幣執不可用此一難也邊既空虛  
不能奉軍糧內調郡國不相及屬此二難也計一人三  
百日食用糒十八斛非牛力不能勝牛又自當齎食加  
二十斛重矣胡地沙鹵多乏水草以往事揆之軍出未  
滿百日牛必物故且盡餘糧尚多人不能負此三難也  
胡地秋冬甚寒春夏甚風多資釜鍤薪炭重不可勝食  
糒飲水以歷四時多有疾疫之憂此四難也輜重身隨  
則輕銳者少不得疾行虜徐遁逃執不能及幸而逢虜  
又累輜重如遇險阻銜尾相隨虜要遮前後危殆不測  
此五難也夫用民力功不可必立臣伏憂之莽不聽

○鄧禹杖策定計

漢帝玄更始元年

南陽鄧禹杖策追秀、及於鄴、秀曰、我得專封拜、生遠來、寧欲仕乎、禹曰、不願也、但願明公威德加於四海、禹得效其尺寸、垂功名於竹帛耳、秀笑、因留宿、禹進說曰、今山東未安、赤眉青犢之屬、動以萬數、更始既是常才、而不自聽斷、諸將皆庸人、崛起志在財幣、爭用威力、朝夕自快而已、非有忠良明智、深慮遠圖、欲尊主安民也、明公素有盛德、大功爲天下所向、服軍政、齊肅、賞罰明信、爲今之計、莫如延攬英雄、務悅民心、立高祖之業、救萬民之命、以公而慮天下不足安也、秀大悅、因令禹常宿

止於中與定計議每任使諸將多訪於禹皆當其才

隗班論周漢之勢

漢光武建武五年

隗囂問於班彪曰往者周亡戰國並爭數世然後定意者縱橫之事復起於今乎將承運迭興在於一人也彪曰周之廢興與漢殊異者周爵五等諸侯從政本根既微枝葉强大故其末流有縱橫之事勢數然也漢承秦制改立郡縣主有專已之威臣無百年之柄至於成帝假借外家哀平短祚國嗣三絕故王氏擅朝雖竊號位危自上起傷不及下是以即真之後天下引領而嘆十餘年間中外騷擾遠近俱發假號雲合成稱劉氏不謀

同辭方今雄桀帶州域者皆無六國世業之資百姓詎  
吟思仰漢必復興已可知矣隱然其言

○班彪王命論

漢光武建武五年

昔堯之禪舜曰天之曆數在爾躬舜亦以命禹洎於稷  
契咸佐唐虞至湯武而有天下劉氏承堯之祚堯據火  
德而漢紹之有赤帝之符俗見高帝興於布衣不達其  
故至比天下於逐鹿幸捷而得之不知神器有命不可  
以智力求也悲夫此世之所以多亂臣賊子也夫饑饉  
流隸饑寒道路所願不過一金而終轉死溝壑何則貧  
窮亦有命也況乎天子之貴四海之富神明之祚可得



而妄處哉。故雖遭離阨會，竊其權柄，勇如信布，強如梁  
籍，成如王莽，然卒潤鑊伏質，烹醢分裂。又況么麼不及  
數子，而欲闇奸天位者乎。昔陳嬰之母，以嬰家世貧賤，  
卒富貴不祥，止嬰勿王。王陵之母，知漢必得天下，伏劍  
而死，以固勉陵。夫以匹婦之明，猶能推事理之致，探禍  
福之機，而全宗祀於無窮。垂策書於春秋，而況大丈夫  
之事乎。是故窮達有命，吉凶由人。嬰母知廢陵母知興，  
審此二者，帝王之分決矣。加之高帝寬明而仁恕，知人  
善任，使當食吐哺，納子房之策，拔足揮洗，擇酈生之說，  
舉韓信於行陳，收陳平於亡命，英雄陳力，群策畢舉。此

高帝之大略所以成帝業也若乃靈瑞應符其事甚衆故淮陰留侯謂之天授非人力也英雄誠知覺悟超然遠覽淵然深識收陵嬰之明分絕信布之覬覦則福祚流於子孫天祿其永終矣。

○朱浮諫數易守宰

漢光武帝建武六年

執金吾朱浮上疏曰昔堯舜之盛猶加三考大漢之興亦累功效吏皆積久至長子孫間者守宰數換易迎新相代疲勞道路尋其視事日淺未足昭見其職既加嚴切人不自保願陛下遊意於經年之外望治於一世之後天下幸甚帝采其言自是牧守易代頗簡

○鄭興日食對

漢光武建武七年

三月晦日有食之詔百僚各上封事大中大夫鄭興上  
疏曰頃年日食每多在晦先時而合皆月行疾也日君  
象月臣象君急亢則臣促迫故月行疾今陛下高明而  
群下惶促宜留思柔克之政垂意洪範之法帝躬勤政  
事頗傷嚴急故興奏及之

陳元

上疏

漢光武建武七年

大司農江馮上言宜令

三公司空掾

元上疏曰臣聞師臣者帝賓臣者霸故武王以太公爲  
師齊桓以夷吾爲仲父近則高帝優相國之體太宗假

宰輔之權陛下宜修文武之聖典襲祖宗之遺德勞心  
下士屈節待賢誠不可使有伺察公輔之罪帝從之

○杜林論科禁

漢光武帝建武十四年

夫人情挫辱則節義之風損防患多則苟免之行興孔  
子曰道之以政齊之以刑民免而無耻道之以德齊之  
以禮有耻且格古之明王深識遠慮動居其厚不務多  
辟周之五刑不過三千大漢初興詳覽得失故破矩爲  
員斲彫爲樸蠲除苛政更立跡網海內歡欣人懷寬德  
及至其後漸以滋章吹毛索疵詆欺無限果桃李茹之  
饋集召成臧小事無妨於義以爲大戮故國無廢士家

無完行○至於法不能禁令不能止臣愚以爲宜如舊制  
不合翻移、

○桓譚諫信讖

漢光武帝建武中元元年

伏聞陛下窮折方白之術甚爲明矣而乃欲聽納  
讖記又何誤也其事雖有時合譬猶卜數隻偶之類陛  
下宜垂明聽發聖意屏群小之曲說述五經之正義畧  
雷同之俗辭詳通人之雅謀又臣聞安平則尊道術之  
士有難則貴介冑之臣今聖朝興復祖統爲人臣主而  
四方盜賊未盡歸伏者此權謀未得也伏觀陛下用兵  
諸所降者既無重賞以相思誘或至虜掠奪其財物是

以兵長渠率各生狐疑黨輩連結歲月不解古人有言  
曰天下皆知取之爲取莫知與之爲取陛下誠能輕爵  
重賞與士共之則何招而不至何說而不釋何向而不  
開何征而不尅如此則能以狹爲廣以遲爲速亡者復  
存失者復得矣

○楊終請罷邊兵疏

漢章帝建初元年

楊終上疏曰問者北征匈奴西開三十六國百姓頻年  
服役轉輸煩費愁困之民足以感動天地陛下宜留念  
省察帝下其章第五倫亦同終議牟融鮑昱皆以爲孝  
子無改於父之道征伐匈奴屯西域先帝所建不宜回

異終復上書曰秦築長城功役繁興胡亥不韋卒亡四海故孝元棄珠崖之郡光武絕西域之國不以介鱗易我衣裳帝從之

○陳寵寬政疏

漢章帝建初元年

是時陳永平故事吏政尚嚴切尚書決事率近於重尚書陳寵以帝新即位宜改前世苛俗乃上疏曰臣聞先王之政賞不僭刑不濫與其不得已寧僭無濫往者斷獄嚴明所以威懲奸慝奸慝既平必宜濟之以寬夫爲政猶張琴瑟大絃急者小絃絕陛下宜隆先王之道蕩滌煩苛之法輕薄箠撻以濟群生全廣至德以奉天心

帝深納寵言每事務於寬厚

○馬廖勸成德政疏

漢章帝建初二年

馬廖慮美業難終上疏曰昔元帝罷服官成帝御浣衣  
哀帝去樂府然而侈費不息至於衰亂者百姓從行不  
從言也夫改政移風必有其本傳曰吳王好劍客百姓  
多瘡癰楚王好細腰宮中多餓死長安語曰城中好高  
髻四方高一尺城中好廣眉四方且半額城中好大袖  
四方全匹帛斯言如戲有切事實后深納之

第五倫寬政疏

漢章帝建初一年

第五倫上疏曰光武承王莽之餘頗以嚴猛為政後代



因之遂成風化郡國所舉類多辨職俗吏殊未有寬博之選以應上求者也秦以酷急亡國王莽亦以苛法自滅故慟慟嗷嗷寔在於此上善之

○韋彪貢舉議

漢章帝元和元年

元和元年陳事者多言郡國貢舉率非功次故守職益懈而吏事寢疏咎在州郡有詔下公卿朝臣議大鴻臚韋彪上議曰夫國以簡賢爲務賢以孝行爲首是以求忠臣必於孝子之門夫人才行少能相兼是以孟公綽優於趙魏者不可以爲滕薛大夫忠孝之人持心近厚鍛鍊之吏持心近薄士宜以才行爲先不可純以閭閻

然其歸在於選二千石二千石賢則貢舉皆得其人矣  
虞文上疏曰天下樞要在於尚書而問者多從郎官超  
升此位雖曉習文法長於應對然察察小慧類無大能  
宜鑒嗇夫捷給之對深思絳侯木訥之功帝皆納之

○丁鴻論竇兄弟

漢和帝永元四年

臣聞日者陽精守實不虧君之象也月者陰精盈毀有  
常臣之表也故日食者臣乘君陰凌陽月滿不虧下驕  
盈也昔周室衰季皇甫之屬專權於外黨類強盛侵奪  
主勢則日月薄食故詩曰十月之交朔日辛卯日有食  
之亦孔之醜春秋日食三十六殺君三十二變不空生

各以類應。夫威柄不以放下，利器不以假人。是以三桓專魯，田氏擅齊。六卿分晉，諸呂握權。統嗣幾移，哀平之末，廟不血食。故雖有周公之親，而無其德，不得行其勢也。今大將軍雖欲勅身自約，不敢僭差，然而天下遠近，惶怖承旨，刺史二千石，初除謁辭，求通待報，雖奉符璽，受臺勅，不敢便去。久者至數十日，背王室，向私門。此乃上威損，下權盛也。人道悖於下，效驗見於天。夫壞崖破岩之水，源自涓涓；千雲蔽日之木，起於蔥菁。禁微則易，救末者難。人莫不忽於微細，以致其大惡，不忍誨，又不忍割去。事之後，未然之明鏡也。臣愚以爲左官外附之

臣依托權門、傾囊諂諛、以求容媚者、宜行一切之誅。臣聞天不可以不剛、不剛則三光不明、王不可以不彊、不彊則宰牧從橫、宜因天變、改正匡失、以塞天意。

○樊準勸興文學疏

漢殤帝延光二年

臣聞賈誼有言、人君不可以不學、故雖大舜聖德、孳孳爲善、成王賢主、崇明師傅、光武受命、中興不遑、啓處然猶投戈講藝、息馬論道、明帝庶政萬機、無不簡心、而垂情古典、游意經藝、四方欣欣、雖闕里之化、誠不足言、小大隨化、雍雍可嘉、期門羽林之士、悉通孝經、化自聖躬、流及蠻荒、是以議者每稱盛時、咸言永平、今學者蓋少。

遠方尤甚。博士倚席不講。儒者競論浮。嚴忘。塞塞之忠。  
習。譏。譏。之。辭。銳。錐。刀。之。鋒。斷。刑。辟。之。重。德。陋。俗。薄。以。致。  
苛。刻。臣。愚。以。宜。下。明。詔。博。求。幽。隱。發。揚。巖。穴。寵。進。儒。雅。  
公。卿。各。舉。明。經。及。舊。儒。子。孫。進。其。爵。位。使。續。其。業。則。延。  
頸。者。日。有。所。見。傾。耳。者。月。有。所。聞。

○仲長統昌言

漢安帝永初元年

大尉徐防以災異寇賊雨水策免三公。以災異免自防。  
始。仲。長。統。昌。言。曰。光。武。皇。帝。愠。數。世。之。失。權。忿。強。臣。之。  
竊。命。矯。枉。過。直。政。不。任。下。雖。制。三。公。事。歸。臺。閣。自。此。以。  
來。三。公。之。職。備。員。而。已。然。政。有。不。治。猶。加。譴。責。而。權。移。

外戚之家寵被近習之孺豈水旱爲災此皆戚宦之臣所致然也反以策讓三公至於死免如此而欲望三公勲立於國家績加於生民不亦遠乎今人主誠專委三公分任責成而在位病民舉用失賢百姓不安爭訟不息天地多變人物多妖然後可以分此罪也

○陳忠豫廣帝意疏

漢安帝永初十五年

詔舉有道之士尚書陳忠上疏曰臣聞仁君廣山藪之六納切直之謀忠臣盡蹇諤之節不畏通耳之害今明詔引咎克躬諮訪群吏必承嗣嚮應爭爲切直請優游寬容以示聖朝無諱之美帝從之

楊震親賢遠奸疏

漢安帝永初十五年

時王聖聖女伯榮扇動內外競爲侈虐出入宮掖傳通姦賂司徒楊震上疏曰臣聞政以得賢爲本治以去穢爲務方今九德未事嬖倖克廷王聖賤微得奉聖躬雖有推燥居濕之勤前後賞惠過報勞苦而外交屬託損辱清朝宜速出阿母令居外舍斷絕伯榮莫使往來帝不聽

○左雄久任疏

漢順帝陽嘉元年

尚書令左雄上疏曰昔宣帝以爲吏數變易則下不安業久於其事則民服教化其有政治者輒以璽書勉勵

增秩賜金公卿缺則以次用之是以吏稱其職民安其業漢世良吏於茲爲盛今興城百里轉動無常各懷一切莫慮長久臣愚以爲守相長吏惠和有顯效者可就增秩勿移徙帝感其言

、胡廣駁左雄察舉

漢順帝陽嘉元年

臣聞君以博照兼覽爲德臣以獻可替否爲忠書載稽疑謀及卿士詩美古人詢於芻蕘是以慮無失策舉無過事竊見尚書令左雄議郡舉孝廉皆限年四十以上諸生試章句文吏試牋奏竊惟王命之重載在篇典當係於日月固於金石遺則百王施之萬世蓋選舉因



不母拘定制六奇之策不出經學鄭阿之政非必章奏  
甘奇顯用年垂疆終賈誼揚聲亦在弱冠漢承周秦兼  
覽殷夏祖德師經參禕伯軌貢舉之制莫成回革今以  
一臣之言刻戾舊章矯枉變常政之所重而不訪台司  
不謀卿士若士下之後議者剝異異之則朝失其便同  
之則王言已行臣以爲可宣下百官參其同異然後覽  
擇勝否詳採厥衷敢以瞽言冒干天禁唯陛下納焉

○師顯災異對

漢順帝陽嘉二年

上召師顯問以災異顯上疏曰三公上應台階下同元  
宮政失其道則寒陰反節今之在位競托高虛結累鍾

之奉亡天下之憂、以此消伏災眚、與致太平、其可得乎、  
因條便宜七事、一園陵火災、宜念百姓之勞、罷繕修之、  
役、二立春以後陰寒失節、宜采納良臣、以助聖化、三今  
年少陽春旱、夏水、宜務節約、四去年八月熒惑出入軒  
轅、宜簡出宮女、五去冬有白氣從西方天苑趨參左足、  
入王井、恐有羗寇、宜爲備禦、六近者白虹貫日、宜令中  
外官司、並須立秋、然後考事、七漢興以來、三百二十九  
年、於時三朞、宜大蠲法令、有所變更、王者之法、譬猶江  
河、當使易避而難犯、

○李固地折對

漢順帝陽嘉二年

洛陽宣德亭地折長八十五丈帝引公卿所舉敦樸之士使之對策李固對曰陛下之有尚書猶天之有北斗也斗爲天喉舌尚書亦爲陛下喉舌斗斟酌元氣運乎四時尚書出納王命賦政四海權尊執重責之所歸宜審擇其人以毗聖政若刺史二千石外統職事內受法則夫表曲者影必邪源清者流必潔猶叩樹木百枝皆動也由此言之本朝號令豈可蹉跌耶夫人君之有政猶水之有隄防隄防完全雖遭霖潦不能爲變政教一立暫遭凶年不足爲憂今隄防雖堅漸有孔穴譬之一人之身本朝者心腹也州郡者四支也心腹痛則四支

不舉故臣之所憂在腹心之疾非四支之患也○高堅隄防務政教先安心腹整理本朝雖有寇賊水旱之變不足介意不然則雖無水旱之災天下固可憂矣

○張衡崇正䟽

漢順帝陽嘉三年

五月旱上問消變之術張衡以爲中興之後儒者爭學圖緯上䟽言圖讖成於哀平之際皆虛僞之徒以要世取資欺罔較然莫之糾禁且律歷卦候九宮風角數有徵效世莫肯學而競稱不占之書譬猶畫工惡圖犬馬而好作鬼魅誠以實事難形而虛僞不窮也宜勅藏圖書一禁絕之則朱紫無所眩典籍無瑕玷矣

漢順帝陽嘉四年

春秋褒議父以開義路貶無駭以閉利門夫義路開則利門開利門開則義路閉也孔子曰智者見變思刑愚者覩怪諱名天道無親可爲祇畏近者月食既於端門之側月者大臣之體也夫窮高則危太滿則溢月盈則缺日中則移凡此四者自然之數也天地之心福謙忌盛是以達賢功遂身退全名養壽無有怵迫之憂誠令王綱一整道行忠立明公踵伯成之高全不朽之譽豈與此外戚輦耽榮好位者同日而論哉固狂夫下愚不達大體竊獲古人一飯之報况受顧遇而容不盡乎

○朱穆崇厚論

漢冲帝永嘉元年

夫俗之薄也有自來矣故仲尼歎曰大道之行也而丘  
不與焉蓋傷之也老氏之經曰大丈夫處其厚不處其  
薄居其寔不居其華夫時有薄而厚施行有失而惠用  
故蠹人之過者敦之道也救人之失者厚之行也然而  
時俗或異風化不敦而尚相誹謗謂之臧否記短則兼  
折其長貶惡則并代其善悠悠者皆是其可稱乎凡此  
之類豈徒乖爲君子之道哉將有危身累家之禍焉悲  
夫務進者趨前而不顧後榮貴者矜已而不待人智不  
接愚富不賑貧貞士孤而不恤賢者危而不存故田蚡

以尊顯致安國之金，淳于以貴勢引方進之言。夫以韓  
翟之慘爲漢之名宰，然猶不能振一貧賤爲一孤士，又  
況其下者乎？

○崔寔政論

漢桓帝元嘉元年

自堯舜之帝，湯武之王，皆賴明哲之佐，博物之臣，故皐  
陶陳謨而唐虞以興，伊箕作訓而殷周用隆。及繼體之  
君，欲立中興之功者，曷嘗不賴賢哲之謀乎？凡天下所  
不理者，常由人主承平日久，俗漸敝而不悟，政寢衰而  
不改，習亂安危，不自覩，或荒耽嗜慾，不恤萬機，或耳  
蔽箴誨，厭僞忽真，或猶豫岐路，莫適所從，或見信之僥

恬曩守祿或踈遠之臣言以賤廢是以王綱縱弛於土  
智士鬱伊於下○悲夫自漢興以來三百五十餘歲矣政  
令垢緩上下懈怠風俗彫敝人庶巧僞百姓意然咸復  
思中興之政矣且濟時拯世之術豈必體堯蹈舜然後  
廼理哉期於補綻決壞枝柱邪傾隨形裁割要措斯世  
於安寧之域而已故聖人執權遭時定制步驟之差各  
有云設不强人以不能背急切而慕所聞也蓋孔子對  
葉公以來遠哀公以臨人景公以節禮非其不同所急  
異務也是以受命之君每輒創制中興之主亦匡時失  
昔盤庚愍殷遷都易民周穆有闕甫戾正刑俗人拘文



宰古不達權制奇偉所聞簡忽所見烏可與論國家之  
大事哉故言事者雖合聖德輒也推奪何者其頑士閭  
於時權安習所見不知樂成況可慮始苟云率由舊章  
而已其達者或矜名垢能耻策非已舞筆奮辭以破其  
義寡不勝衆遂見擯棄雖綬契復存猶將困焉斯賈生  
之所以排於絳灌君子之所以擣其幽憤者也夫以文  
帝之明賈生之賢絳灌之忠而有此患况其餘哉故宜  
量力度德春秋之義今既不能純法御世故宜參以伯  
政伯政則宜重賞深罰以御之明著法術以檢之自非  
上德嚴之則理寬之則亂何以明其然也也近世宣皇帝

明於君入之道。審於為政之理。故嚴刑峻法。破奸軌之膽。海內清肅。天下密如。薦勲祖廟。享號中宗。算計見效。優於孝文。及元帝即位。多行寬政。卒以墮損威權。始奪。遂為漢室基禍之主。政道得失。於斯可鑒。昔孔子作春秋。褒齊桓。懿晉文。歎管仲之功夫。豈不美文武之道哉。誠達權救敝之理也。故聖人能與世推移。而俗士苦不知變。以為結縵之約。可復理亂。秦之緒干羽之舞。足以解平城之圍。夫熊經鳥伸。雖延歷之術。非傷寒之理。呼吸吐納。雖度紀之道。非續骨之膏。蓋為國之法。有以理身。平則致養。疾則攻焉。夫刑罰者。治亂之藥石也。德教

者興平之梁肉也。夫以德教除殘，是以梁肉理疾也。以刑罰理平，是以藥石供養也。方今承百王之敝，值厄運之會，自數世以來，政多恩貸，馭委其轡，馬駘其御，四牡橫奔，皇路險傾。方將柑勒鞅，輶以救之。豈暇鳴和鑾，清節奏哉？昔高祖令蕭何作九章之律，有夷三族之令，黥劓斬趾，斷舌梟首，故謂之具五刑。文帝雖除肉刑，當劓者答一百，當斬左趾者答五百，當斬右趾者棄市。右趾者既殞其命，答撻者往往至死，雖有輕刑之名，其實殺也。當此之時，民皆思復肉刑。至景帝元年，廼下詔曰：「答與重罪無異，幸而不死，不可爲民廼定律減答。」輕撻自

是之後咎者得全以此言之文帝延重刑非輕之也以嚴致平非以寬致平也必欲行若言當大定其本使人主師五帝而式三王盪亡秦之俗遵先聖之風棄苟金之政蹈稽古之蹤復五等之爵立井田之制然後選稷契為佐伊呂為輔樂作而鳳凰儀擊石而百獸舞不然則多為累而已

○劉陶訟朱穆

漢桓帝永興元年

詔以朱穆為冀州刺史宦者趙忠喪父歸葬偕為玉匣穆下郡案驗吏發墓剖棺出之帝聞大怒徵穆詣廷尉輸作左校太學生劉陶等上書訟穆曰中宮近習竊弄

國柄。手握王爵。口含天憲。運賞則使餓吏富於季孫。呼  
喻則令伊顏化為桀跖。而穆獨亢然不顧身害。非惡榮  
而好辱。惡生而好死也。徒感王網之不振。懼天憲之久  
失。故竭心懷憂。為上深計。臣願黥首擊趾。代穆校作。帝  
乃赦之。

○劉陶鑄錢議

漢桓帝永壽三年

臣伏讀鑄錢之詔。平輕重之議。訪覃幽微。不遺窮賤。是  
以藿食之人。謬延建及蓋。以為當今之憂。不在於貨在  
乎民。夫生養之道。先食後民。是以先王觀象育物。敬授  
民時。使男不逋。畝女不下機。故君臣之道。行主路之教。

通由是言之食者乃有國之所寶生民之至貴也竊見  
比年以來良苗盡於蝗蚘之口杼柚空於公私之求所  
急朝夕之餐所患靡盬之事豈謂錢貨之厚薄銖兩之  
輕重哉就使當今沙磧化爲南金瓦石變爲和玉使百  
姓渴無所飲饑無所食雖皇羲之純德唐虞之文明猶  
不能以保蕭牆之內也蓋民可百年無貨不可一朝有  
饑故食爲至急也議者不達農殖之本多言鑄冶之便  
或欲因緣行詐以賈國利國利將盡取者爭競鑄造之  
端於是乎生蓋萬人鑄之一人奪之猶不能給况今一  
人鑄之則萬人奪之手雖以陰陽爲炭萬物爲銅伐不

食之民使不饑之士猶不能足無厭之求也夫欲民剝  
財阜要在止役禁奪則百姓不勞而足陛下聖德愍海  
內之憂戚傷天下之艱難欲鑄錢齊貨以救其敝此猶  
養魚沸鼎之中棲鳥烈火之上水木本魚鳥之所生也  
用之不時必至焦爛陛下寬鑿薄之禁後鑄治之議聽  
民庶之謠吟問路吏之所憂瞰三光之文耀視山河之  
分派天下之心國家大事燦然皆見無復有遺憾者矣

○荀爽日食對

漢桓帝永壽九年

正月朔日食詔舉至孝太常趙典所舉至孝荀爽對策  
曰昔者聖人建天地之中而謂之禮禮者所以興福祥

之本止禍亂之源也。衆禮之中婚禮爲首。陽性純而能施陰體順而能化。以禮濟樂。節宣其氣。故能豐子孫之祥。致老壽之福。臣竊聞後宮采女六千。侍使復在其外。空賦不辜之民。以供無用之女。百姓困窮於外。陰陽隔塞於內。故感動和氣。災異屢臻。臣愚以爲諸未幸御者。一皆遣出。使成配合。此誠國家之大福也。

○蔡邕諫伐鮮卑書

漢靈帝熹平六年

書戒猾夏。易伐鬼方。周有儉狃蠻荆之師。漢有闐顔瀚海之事。征討之作。所由尚矣。然而時有同異。勢有可否。故謀有得失。事有成敗。不可齊也。武帝情存遠畧。事闢



四方南誅百粵北討強胡西征大宛東并朝鮮因文景之蓄籍天下之饒數十年間官民俱匱乃興鹽鐵酤權之利設告緡重稅之民民不堪命起爲盜賊既而覺悟乃封丞相爲富民侯夫以世宗神武將卒良猛財賦充實所拓廣遠猶有悔焉况今人財并乏事劣昔時乎自匈奴北遁鮮卑強盛據其故地稱兵十萬彌地千里意智益生才力勁健加以禁網漏洩善金良鐵出者莫察漢人遁逃爲其謀主兵利馬疾過於匈奴若兵連禍結豈得中休當復徵發衆人轉運無已足爲耗竭諸夏并力蠻夷夫邊陲之患手足之疥癢中國之困曾背之人

疽方今郡縣尚不能禁况此魏虜而可伏乎昔高祖忍  
平城之耻吕氏棄慢書之詆方之於今何者爲甚苟無  
威國內侮之患則可矣豈與蟲蝗校寇計爭往來哉雖  
或破之豈可殄盡而方今本朝爲之旰食乎夫專勝者  
未必克挾疑者未必敗衆所謂危聖人不任朝議有嫌  
明主不行也夫萬民之饑與遠蠻之不討何者爲大宗  
廟之祭凶年猶有不備况避不嫌之辱哉今閬東大困  
無以相贍又當動兵非但勞民而已守邊之術李牧善  
其略保塞之論嚴尤申其要遺業猶在文章具存循二  
子之策守先帝之規臣曰可矣

○楊賜蔡邕災異對

漢靈帝光和元年

秋七月青虹見玉堂殿庭中上以災異問消復之術光祿大夫楊賜對曰天子見恠則修德諸侯見恠則修政大夫見恠則修職士庶人見恠則修身唯陛下斥遠佞巧之臣速徵鶴鳴之士斷絕尺一抑止繁游冀上天還威衆變可彌蔡邕對曰蜺墮鷄化皆婦人干政之所致也前者乳母趙婕妤諛諛驕溢門吏霍王依阻爲奸今道路紛紛復云有程大人者察其風聲將爲國患宜高爲隄防明設禁令深惟趙霍以爲至戒則天道虧滿鬼神福謙矣、

○陳琳諫召外兵

漢靈帝中平六年

中軍校尉袁紹勸何進悉誅諸宦官進白太后太后不聽紹等又爲畫策多召四方猛將使並引兵向京師以脅太后進然之主簿陳琳諫曰諺稱掩目捕雀夫微物尚不可欺以得志國之大事其可以詐立乎今將軍總皇威握兵要龍驤虎步高下在心此猶鼓洪爐燎毛髮耳但當速發雷霆行權立斷則天人順之而反委擇利器更徵外助大兵聚會強者爲雄所謂倒持干戈授人以柄功必不成祇爲亂階耳進不聽典軍校尉曹操聞而笑曰宦者之禍古今宜有但世主不當假之權寵使

至於此既治其罪當誅元惡一獄吏足矣何至紛紛召外兵乎欲盡誅之事必宣露吾見其敗也

荀悅申鑒

漢獻帝建安九年

時政在曹氏荀悅志在獻替而謀無所用故作申鑒五篇奏之其大畧曰爲政之術先屏四患乃崇五政僞亂俗松壞法放越軌奢敗制四者不除則政末由行矣是謂四患興農桑以養其生審好惡以正其俗宣文教以章其化立武備以秉其威明賞罰以統其法是謂五政四患既蠲五政又立行之以誠守之以固簡而不怠疎而不失垂拱揖讓而海內平矣

○諸葛亮隆中計

漢獻帝建安十二年

劉備見諸葛於隆中曰漢室傾頽姦臣竊命孤不度德  
量力欲信大義於天下而知術短淺遂用猖獗至於今  
日然志猶未已君謂計將安出亮曰自董卓以來豪傑  
並起跨州連郡者不可勝數曹操比於袁紹則名微而  
衆寡然操遂能克紹以弱為強者非惟天時抑亦人謀  
也今操已擁百萬之衆挾天子以令諸侯此誠不可與  
爭鋒孫權據有江東已歷三世國險而民附賢能為之  
用此可與為援而不可圖也荊州北據漢沔利盡南海  
東連吳會西通巴蜀此用武之國而其守不能守此殆

天所以資將軍將軍豈有意乎益州險塞沃野千里天府之國高祖因之以成帝業劉璋闇弱張魯在北民殷國富而不知存恤智能之士思得明君將軍既帝室之胄信義著於四海總攬英賢思賢如渴若跨有荊益保其巖阻西和諸戎南撫夷越外結好孫權內修政理天下有變則命一上將將荊州之軍以向宛洛將軍身率益州之衆以出秦川百姓孰敢不箪食壺漿以迎將軍者乎誠如是則伯業可成漢室可興矣

諸葛亮治蜀

漢獻帝建安十九年

諸葛亮佐備治蜀頗尚嚴峻人多怨嘆者法正謂亮曰

昔高祖入關約法三章秦民知德今君假借威力跨據一州初有其國未垂惠撫且客主之義宜相降下願緩刑弛禁以慰其望亮曰君知其一未知其二秦以無道政苛民怨匹夫大呼天下土崩高祖因之可以弘濟劉璋暗弱德政不舉威刑不肅蜀土人士專權自恣君臣之道漸以陵替尊之以位位極則殘順之以恩恩竭則慢所以致敝實由於此今吾威之以法法行則知恩恩之以爵爵加則知榮榮恩並濟上下有節為治之要將斯而著矣

。楊顯論相體

漢昭烈帝章武元年



諸葛亮嘗自校簿書、楊顥諫曰、為治有體、上下不可相侵、是故古人稱坐而論道、謂之王公、作而行之、謂之士大夫、故丙吉不問橫道死人、而憂牛喘、陳平不肯知錢穀之數、云自有三者、彼誠達於位分之體也、今明公為治、乃躬自校簿書、流汗終日、不亦勞乎、亮謝之、

○諸葛亮前出師表

漢後帝建興三年

先帝創業未半、而中道崩殂、今天下三分、益州疲敝、此誠危急存亡之秋也、然侍衛之臣、不懈於內、忠志之士、忘身於外者、蓋追先帝之殊遇、欲報之於陛下也、誠宜開張聖德、以光先帝遺德、恢弘志士之氣、不宜妄自菲

薄引喻失義以塞忠諫之路宮中府中俱為一體陟罰  
減否不宜異同若作奸犯科及為忠善者宜付有司論  
其刑賞以昭陛下平明之理不宜偏私使內外異法也  
侍中侍郎郭攸之費禕董允等此皆良實志慮忠純是以  
先帝簡拔以遺陛下愚以為宮中之事無大小悉  
以咨之必能裨補闕漏有所廣益將軍向寵性行淑均  
曉暢軍事試用於昔先帝稱之曰能是以眾議舉寵為  
督愚以為營中之事悉以咨之必能使行陣和睦優劣  
得所親賢臣遠小人此先漢所以興隆也親小人遠賢  
臣此後漢所以頹傾也先帝每與臣論此事未嘗不嘆

惜痛恨于桓灵也。侍中尚書長史參軍此悉端良死節之臣。願陛下親之信之。則漢室之隆可計日而待也。臣本布衣躬耕南陽。苟全性命于亂世。不求聞達于諸侯。先帝不以臣卑鄙。猥自枉屈。三顧臣于草廬中。咨臣以當世之事。由是感激。遂許先帝以馳驅。受任于敗軍之際。奉命於危難之間。二十有一年矣。先帝知臣謹慎。故臨崩寄臣以大事。受命以來。夙夜憂嘆。恐託附不效。以傷先帝之明。故五月渡瀘。深入不毛。今南方已定。兵用已足。當獎率三軍。北定中原。庶竭駑鈍。攘除奸凶。興復漢室。還于舊都。此臣報先帝而忠陛下之職分也。至

酌損益進退忠言則攸之禕允之任也願陛下託臣討賊興復之效未效則治臣罪以告先帝之靈責攸之禕允等之慢以彰其咎陛下必宜咨諏善道察納雅言深追先帝遺詔臣不勝受恩感激臨表涕零不知所言

○諸葛亮後出師表

後主建興六年

先帝以漢賊不兩立王業不偏故託臣以討賊臣受命之日寢不安席食不甘味故冒危難以奉先帝之遺意今賊遠殲于西又務于東兵法乘勞此進趨時也且高帝明並日月謀臣淵深然涉險被創危然後安今陛下棄隸及高帝謀臣不如良平而欲以長計取勝坐定天下

此臣之未解一也。劉繇王朗各據州郡，論安言計，動引聖人，群疑滿腹，衆難塞。今歲不戰，明年不征，使孫策坐大，遂并江東。此臣之未解二也。臣到漢中，已喪趙雲及曲長屯將七十餘人，突將武騎一千餘人，皆數十年所糾合，四方之精銳，非一州之所有。若得數年，則損三分之二，當何以畜教？此臣之未解三也。今民勞兵疲，而事不可息，則住與行勞費正等，而不及虛圖之歎。以一州之地，與賊支久，此臣之未解四也。夫唯利者，事也，未可逞。見臣鞠躬尽瘁，死而後已，至于成敗利鈍，非臣之明所能逆睹也。

鄧艾屯田議

漢後帝延熙四年  
魏主曹芳正始二年

魏欲廣田、畜穀於楊豫之間、鄧艾以爲昔太祖破黃巾、因爲屯田、積穀許都、以制四方、今三隅已定、事在淮南、每大軍出征、運兵過半、功賞臣億、陳蔡之間、上下田良、可有許昌左右諸稻田、并水東下、令淮北屯二萬人、淮南屯三萬人、十二分休、常有四萬人、且田且守、孟開河渠以增灌漑、通漕運、計除衆費、歲定五百萬斛、以爲軍資、六七年間、可積三千萬斛於淮上、此則十萬之衆、五年食也、以此乘吳、無不克矣、太傅懿善之、是歲始開廣漕渠、每東南有事、大興軍衆、汎舟而下、達於江淮、資食

有儲而無水害、

歷代名臣奏疏卷之四

明太史王錫爵擇

傳玄論士風

晉世祖泰始元年

晉初置諫官以傳玄爲之玄以魏末士風頽敝上疏曰  
臣聞先王之御天下教化隆於上清議行於下近者魏  
武好法術而天下貴刑名魏文慕通達而天下賤守節  
其後綱維不懾放誕盈朝遂使天下無復清議陛下隆  
興受禪弘堯舜之化惟未舉清遠有禮之臣以敦風節  
未退虛鄙之士以懲不恪臣是以猶有敢言晉主嘉納  
其言



○杜預論考課

晉世祖泰始四年

晉主詔河南尹杜預爲黜陟之課預奏昔者黜陟擬議於心不泥於法末世不能紀遠而專求微密疑愈而信耳目疑耳目而信簡書簡書愈繁官方慤僞魏氏考課即京房之遺意其文可謂至密然失於苛細以違本體故歷代不能通也豈若申唐堯之舊制取大舍小去密就簡樸之易從也夫曲盡物理神而明之存乎其人去人而任法則以文傷理莫若委任達官可考所統其有優劣徇情不協公論者當委監司隨而彈之若論上下公相容過此爲清議大類雖有考課之法亦無益也

○○賀邵毒飲諫

晉世祖太始八年  
吳鳳凰元年

與國之君樂聞其過荒亂之主樂聞其譽聞過者過且消而福臻聞譽者譽日損而禍至今杯酒造次死生不保是以正士摧方庸臣苟媚仕者以退爲幸居者以出爲福非所以保洪緒也

○○羊祜伐吳疏

晉世祖咸寧二年

期運雖天所授功業必因人而成謀之雖多決之欲獨蜀之爲國皆云一夫荷戟千人莫當今淮夷之險不如劔閣孫皓之暴過於劉禪吳人之困甚於巴蜀而大晉兵力盛於往時不於此際平一四海而更阻兵相守使

困於征伐經歷盛衰不可長久也晉惠帝納之議者多  
不可祐嘆曰天下不如意事常居八九天與不取豈非  
更事者恨於後時哉

○杜預水災疏

晉世祖咸寧四年

勅袁豫等州留漢氏舊陂以蓄水餘皆決泄今饒者得  
魚菜螺蚌之饒此目下日給之益也水去之後填淤之  
田畝取數鍾此又明年之益也典牧種牛有四萬五千  
餘頭可給民使耕種責其租稅此又數年以後之益也  
晉主聽之民賴其利

○傳咸議省員吏

晉世祖咸寧五年

晉詔議省員吏詔問朝臣以政之損益司徒長史傅咸  
上書以爲公私不足由設官太多當今之急在并官省  
役務農而已遂議省州郡縣半吏以赴農功中書監荀  
最以爲省官不如省官省官不如省事省事不如清心  
昔蕭曹相漢載其清靜民以寧一所謂清心也抑浮議  
簡文案略細苛宥小失變常以徼利者必誅所謂省事  
也以九寺併尚書蘭臺三府所謂省官也若直作大例  
天下之吏悉省其半恐郡國職業劇易不同不可以一  
槩施之若有曠闕皆須更復或徼而滋繁亦不可不重  
也

○陶璜山濤諫罷州郡兵

晉世祖泰康元年

詔罷州郡兵交州牧陶璜上言州兵未軍約損以示單  
虛僕射山濤亦言不宜去州郡武備帝不聽及永嘉以  
後盜賊群起州郡無備不能禽制遂大亂如濤所言然  
其後刺史復兼兵民之政州鎮愈重矣

○郭欽徙戎論

晉世祖泰康二年

漢魏以來羗胡鮮卑降者多處之塞內諸郡其後數因  
忿愧殺害長吏漸爲民患慕容涉歸數徙征討有功拜  
大單于至是始叛寇昌黎侍御史郭欽上疏曰戎狄疆  
廣歷古爲患魏初民少西北諸郡皆爲戎居內及京兆

魏郡弘農往往有之今雖服從若百年之後有風塵之  
警胡騎自平陽上黨不三日而至孟津北地西河馮翊  
大原安定上郡盡爲狄庭矣宜及平吳之威謀臣猛將  
之畧漸徙內郡雜胡於邊地峻四夷出入之防明先王  
荒服之制此萬世之長策也

傅咸論奢侈

晉世祖太康三年

時王愷石崇以奢侈相高車騎司馬傅咸上書曰先王  
之治天下食肉衣帛皆有其制奢侈之費甚于天灾古  
者人稠地狹而有儲蓄由於節也今土廣人稀而患不  
足由於奢也欲時人崇儉當詰其奢奢不見詰轉相高

尚無有窮極矣

○劉毅罷中正除九品疏

晉世祖泰康五年

初陳群以吏部不能審覈天下之士故令郡國各置中正州置大中正取本土之人任朝廷官德充才盛者爲之使銓次等級以爲九品有言行脩著則升之道義虧缺則降之吏部憑之以補授百官行之浸久中正或非其人奸蔽日滋劉毅上疏曰中正之設損政有八高下逐強弱是非隨興衰一人之身旬日異狀上品無寒門下品無世族一也駁論橫於州里嫌隙結於太臣二也優劣異地首尾倒置三也禁人訴訟使受枉不獲上聞

四也采譽於臺府納踐於流言五也抑功實而隆虛名  
長浮華而廢考績六也不問才之所宜而但第爲九品  
七也各任愛憎以植其私天下之人焉得不解德行而  
銳人事八也由此論之職名中正實爲奸府事名九品  
而有八損古今之失莫大於此矣臣愚以爲宜罷中正  
除九品棄魏氏之敝法更立一代之美制帝雖善之而  
終不能改也

○劉實崇讓論

晉世祖泰康十年

帝爲太子逼高選僚佐以散騎常侍劉寔志行清素命  
爲之傳實以時俗善進趣少廉讓嘗著崇讓論欲令初



除官通謝章者必推賢讓能一官關財擇爲人所讓者用之以爲人情爭則欲毀已所不嫌而優劣難分讓則競推於勝已而賢知顯出當此時也能退身脩已則讓之者多矣馳騫進趣而欲人見讓猶却行而求前也

劉頌封建親賢疏

晉世祖泰康十年

時封宗室數人劉頌上疏曰臣聞爲社稷計莫如封建親賢然宜審量事勢使諸侯率義而動者其力足以維帶京邑包藏禍心者其勢不足獨以有爲其齊此難其陛下宜與達古今之士深共籌之周之諸侯有罪身誅而國存漢之諸侯有罪或無子者國隨以亡今反漢循

周則下固而上安矣。天下至大萬事至衆，是以聖王執要於已，委務於下，非憚逸而好勞，誠以政體然也。

○裴頠崇有論

晉惠帝元康七年

裴頠著崇有論以釋其蔽曰：利欲可損而未可絕，有也。事務可節而未可全無也。談者深列有形之累，盛稱空無之美，遂薄綜世之務，賤功利之用，高浮游之業，卑經實之賢。人情所徇，名利從之。於是立言藉於虛無，謂之玄妙；處官不親所職，謂之雅遠；奉身散其廉操，謂之曠達；故悖吉凶之禮，忽容止之表，瀆長幼之序，混貴賤之級，無所不至。夫萬物之生，以有爲分者也。故心非事也。

而制事必由於心不可謂心爲無也。匠非器也而制器必須於匠不可謂匠非有也。由此而觀濟有者皆有也。虛無奚益於已有之群生哉。然習俗已成顧論亦不能救。

○江統徙戎論

晉惠帝元康九年

太子洗馬江統以爲戎狄亂華宜早絕其原乃作徙戎論以警朝廷曰夫夷蠻戎狄地在要荒禹平水土而西戎即叙其性氣貪婪凶悍不仁四夷之中戎狄爲甚弱則畏服彊則侵叛當其彊也以漢之高祖而困於白登孝文軍於霸上及其弱也以元成之微而單于入朝此

其已然之效也是以有道之君牧夷狄也。惟以待之有  
備禦之有常。雖稽顙執贄而邊城不弛固守。疆暴爲寇  
而兵革不加遠征。期令境內獲安。疆場不侵而已。魏興  
之初。與蜀分爭疆場之戎。一彼一此。武帝徙武都氏於  
秦川。欲以弱寇疆國。扞禦蜀虜。此蓋權宜之計。非萬世  
之利也。今者當之。已受其敝矣。夫關中土沃物豐。帝王  
所居。未聞戎狄宜在此土也。非我族類。其心必異。而因  
其衰敝。遷之畿服。士庶翫習。侮其輕弱。使其怨恨之氣  
毒於骨髓。至於蕃育衆庶。則坐生其心。以貪悍之性。挾  
憤怨之情。候隙乘便。輒爲橫逆。而居封域之內。無障塞

之隔掩不備之人收散野之積故能爲禍滋蔓暴害  
測此必然之勢已驗之事也大馬肥充則有噬齧況於  
夷狄能不爲變但顧其微弱勢力不逮耳夫爲邦者憂  
不在暴而在於安以四海之廣士民之富豈須夷虜在  
內然後取足哉此等皆可申諭發遣還其本域慰彼羈  
族懷土之思釋我華夏纖芥之憂惠此中國以綏四方  
德施永世於計爲長也朝廷不能用

○戴邈立太學疏

晉元帝建武元年

立太學十有一月征南軍司戴邈上疏以爲喪亂以來  
庠序隳廢議者或謂平世尚文遭亂尚武此言似實

不然今王業肇建萬物歸之一爲道崇儒以勵風化  
王從之始立太學

紀瞻上尊號議

晉元帝太興元年

愍帝凶聞至建康王斬綰居廬百官請上尊號不許紀  
瞻曰晉氏統絕於今二年兩都燔蕩宗廟無主劉聰竊  
號於西北而陛下高讓於東南此所謂揖讓而救火也  
○范甯罪王何論 晉武帝太元十四年

范甯常謂王弼何晏之罪深於桀紂或以爲貶之太過  
甯曰王何蔑棄典文幽沉仁義游辭浮說波蕩後生使  
縉紳之徒翻然改輒以至禮壞樂崩中原傾覆遺風餘

俗至今爲患。桀紂縱暴一時，適足以喪身覆國。爲後世戒，豈能回百姓之視聽哉？故吾以爲一世之禍，輕歷代之患，重自喪之惡，小迷衆之罪大也。

何承天禦戎四策 南宋文帝裕元嘉二十三年

魏人侵宋北邊，宋主以爲憂。咨謀群臣，御史中丞何承天言：「凡備匈奴之策，不過二科：武夫盡征伐之謀，儒生講和親之約。今若欲追縱衛霍，自非大田淮泗，內實青徐，不可也。因陳備禦之策有四：一曰移遠就近，徙新附以實內地；二曰多築城邑，以抗群虜；三曰募犒車牛，以歲糧械，參合勾連，以衛其衆；四曰計丁課仗，隨所使能。」

予繇利鐵官以充民近師遠屯費重怨深以臣料之未  
若即用彼衆之易也今因民所利導而帥之兵強而敵  
不戒國富而民不勞比于優復隊伍坐食糧廩者不可  
同年而較矣

○高允諫魏太子

魏太平真君十二年

天地無私故能覆載王者無私故能容養今殿下國之  
儲貳萬方所則而營立私國畜養雞犬至酤販市廛與  
民爭利謗聲流布不可追掩夫富有四海乃與販夫販  
婦競此尺寸之利乎昔魏之將亡神賜之土田漢靈私  
立府藏皆有顛覆之禍武王愛周召齊畢所以王天下



殷紂愛飛廉惡來所以喪其國願殿下斥邪佞親忠良  
所在田園分給貧下販賣之物以時收散則休虐至而  
謗議除矣

○周朗日食上疏

宋文帝元嘉三十年

舉天下以奉一君何患不給一體炫金不及百兩一歲  
美衣不過數襲而必收寶連櫝集服累笥日宣常視身  
未時親是櫝幸寶笥著衣也且尚方今造一物小民明  
已瞬視宮中朝制一衣庶家晚已裁學侈麗之源寔先  
宮闈可不慎與

○甄琛議罷鹽池之禁

魏主正始三年

初魏御史中尉甄琛言周禮山林川澤有虞衡之官爲之厲禁蓋取之以時不使戕賊而已雖置有司實爲民守之也天一家之長必惠養子孫天下之君必惠養兆民未有爲人父母而吝其醢醢富有群生而權其一物者也今縣官鄣護河東塩池而收其利是專奉口腹而不及四體也天子富有四海何患於貧乞施塩禁與民共之錄尚書事元勰尚書邢巒奏曰琛之於職坐談則理高行之則事闕古之善治民者必污隆隨時豐儉稱事役養消息以成其性命是故聖人歛山澤之貨以寬田疇之賦收關市之稅以助什一之儲取此與彼皆非

爲身所謂資天地之產惠天地之民也。今鹽池之禁爲日已久積而散之以濟軍國非專爲供太官之膳羞結後宮之服玩也。然自禁鹽以來有司多慢出納之間或不如法是使細民嗟怨負販輕議此乃用之者無方非作者有失也。竊謂宜如舊式魏主卒從琛處

○薛琠論銓選

魏明帝神龜二年

時官員既少應選者多吏部尚書李韶銓注不行大致怨嗟乃更以崔亮爲尚書亮爲格制不問士之賢愚專以停解日月爲斷沉滯者稱其能亮甥劉景安與亮書曰殷周以鄉塾貢士兩漢由州縣薦才魏晉因循又置

中正雖未盡美，什取六七，而朝廷貢才，止求其力，不取其理，察孝廉，唯論章句，不及治道。玄中正不考才行，空辨氏姓，取士不博。沙汰未精，舅當銓衡，宜須改張，易調如何？反爲停年格以限之。天下士子，誰復修厲名行哉？洛陽令薛琚上書曰：「黎元之命，繫於長吏。若選曹唯取年勞，不簡賢否，執簿呼名，一吏足矣。數人而用，何謂銓衡？書奏不報。」

孫伏伽納諫疏

唐高祖武德元年

唐以孫伏伽爲治書侍御史，伽上表以爲：「隋以惡聞其過，亡天下。陛下龍飛晉陽，遠近響應，未朞年而登帝位。」

徒知得之之易、不知隋失之之不難也。臣謂宜易其覆轍、務盡下情。唐王省表大悅。

○李素立寬刑疏

唐高祖武德元年

唐以李素立爲侍御史。有犯法不至死者、唐主特命殺之。立諫曰：「三尺法王者所與天下共也。法一動搖、人無所措手足。陛下甫創鴻業、柰何棄法？臣忝法司、不敢奉詔。」唐主從之。自是特承恩遇。命所司授以七品清要官。所司擬雍州司戶。唐主曰：「此官要而不清。」又擬秘書郎。唐主曰：「此官清而不要。」遂擢授侍御史。

秦主世民止遷都疏

唐高祖武德七年

秋七月突厥入寇或諫曰突厥所以屢寇關中者以子女玉帛皆在長安故也若焚長安而不都則胡寇自息矣上以爲然秦王諫曰戎狄爲患自古有之陛下以聖武龍興光宅中夏精兵百萬所征無敵柰何以胡寇擾邊遽遷都以避之貽四海之羞爲百世之笑乎彼霍去病漢庭一將猶志滅匈奴况臣忝備藩維願假數年之期請係頡利之頸致闕下若其不敵遷都未晚上曰善

○張蘊古太寶箴

唐高祖武德九年

今來古往俯察仰觀惟辟作福爲君實難主普天之下虜王公之上任士貢其所求具寮陳其所倡是故恐懼

之心日弛邪僻之情轉放豈知事起乎所忽禍生乎無  
妄固以聖人受命拯溺亨屯歸罪於已因心於民大明  
無私照至公無私親故以一人治天下不以天下奉一  
人禮以禁其奢樂以防其佚左言而右事出警而入蹕  
四時調其慘舒三光同其得失故身爲之度而聲爲之  
律勿謂無知居高聽卑勿謂何害積小就大樂不可極  
樂極生哀欲不可縱縱欲成災壯九重於內所居不遇  
容膝彼昏不知瑤其臺而瓊其室羅八珍於前所食不  
過適口唯狂罔念丘其糟而池其酒勿內荒於色勿外  
荒於禽勿貴難得貨勿聽亡國音內荒伐人性外荒蕩

人心難得之貨侈亡國之音淫易謂我尊而傲賢慢古  
勿謂我之智而拒諫矜已聞之夏后據饋頻起亦有魏  
帝牽裾不止安被反側如春陽秋露巍巍蕩蕩恢漢高  
大度撫茲庶事如履薄臨深戰戰慄慄用周文小心詩  
之不識不知書之無偏無黨一彼此於胸臆損好惡於  
心想衆棄而後加刑衆悅而後行賞弱其強而治其亂  
伸其屈而直其枉故曰如衡如石不定物以限物之懸  
者輕重自見如水如鏡不示物以情物之鑒者妍媸自  
生勿渾渾而濁勿皎皎而清勿汶汶而闇勿察察而明  
雖冕旒蔽目而視於未形雖黻纁塞耳而聽於無聲縱



心乎湛然之域。遊神於至道之精。知之者應洪纖而效  
響。酌之者隨淺深而皆盈。故曰天之經地之寧。王之貞  
四時不言而代序。萬物無言而化成。豈知帝力而天下  
和平。吾王揆亂。戡以智力。民惧其威。未懷其德。我皇撫  
運。扇以淳風。民懷其始。未保其終。爰述金鏡。窮神盡聖。  
使人以心應言。以行色括治躰。抑揚詞令。天下爲公。一  
人有慶。開羅起祝。援琴命詩。一日二日。念茲在茲。惟人  
所召。自天祐之。諍臣司直。敢告前疑。

杜淹魏徵雅樂議

唐太宗貞觀二年

六月祖孝孫奏唐雅樂上曰禮樂者聖人緣物以設教

耳治之隆替豈由於此御史大夫杜淹曰齊之將亡作  
伴侶曲陳之將亡作玉樹後庭花其聲哀思行路聞之  
皆悲泣何得言治之隆替不在樂也上曰不然夫樂能  
感人故樂者聞之則喜憂者聞之則悲悲喜在人心非  
由樂也將亡之政民必愁苦故聞樂而悲耳今二曲俱  
存朕爲公奏之公豈悲乎右丞魏徵曰古人稱禮云禮  
云玉帛云乎執樂云樂云鐘鼓云乎哉樂誠在人和不  
在聲音也

○魏徵兼聽偏信對

唐太宗貞觀三年

上問魏徵曰人主何爲而明何爲而暗對曰兼聽則明

徧信則暗。昔堯清問下民，舜明目達聰，故共鯀驩苗不能蔽也。秦二世徧信趙高，以成望夷之禍。梁武帝徧信朱异，以取臺城之辱。隋煬帝徧信虞世基，以致彭城閣之變。是故人君兼聽廣納，則貴臣不得壅蔽，而下情得以上通也。上曰善。

○群臣區處突厥部落議

唐太宗貞觀四年

突厥既亡，其部落或北附薛延陀，或西奔西域。其降唐者尚十萬口，詔群臣議區處之宜。朝士多言戎狄自古爲中國患，今幸破亡，宜悉徙之河南、兗、豫之間，分其種落，散居州縣，教之耕織，可以化爲農民。顏師古請寘之

河北分立酋長鎮其部落李百藥以爲突厥雖云一國然種類區分各有酋帥宜因其離散各置君長使不相臣屬則國分勢敵不能抗衡中國矣仍於定襄置都護府爲其節度此安邊之長策也溫彥博請準漢建武故事置於塞下順其土俗以實空虚之地使爲中國犴設魏徵以爲戎狄人面獸心弱則請服疆則叛亂若留之中國數年之後蕃滋倍多必爲腹心之患西晉之禍前事之明鑒也宜縱之使還故土便彥博曰王者之於萬物天覆地載靡有所遺今突厥窮來歸我柰何棄之而不受乎孔子曰有教無類若救其死亡授以生業教之

以禮義數年之後悉爲吾民選其酋長使入宿衛畏威懷德何後患之有上卒用彥博策處突厥降衆東自幽州西至靈州分突利所統之地爲四州分頡利之地爲六州其餘酋長至者皆拜將軍中郎將布列朝廷五品以上百餘人殆與朝士相半

○魏徵論教化

唐太宗貞觀四年

上初即位帝與群臣語及教化上曰今承大亂之後恐斯民未易化也魏徵對曰不然久安之民驕佚則難教經亂之民愁苦愁苦則易化譬猶饑者易爲食渴者易爲飲也上深然之封德彝非之曰三代以還人漸

澆訛故秦任法律漢雜伯道蓋欲化而不能豈能之而  
不欲耶魏徵書生不識時務若信其虛論必敗國家徵  
曰五帝三王不易民而化行帝道而帝行王道而王黃  
帝征蚩尤顓頊誅九黎湯放桀武伐紂皆承大亂之後  
身致太平若謂古人淳朴漸至澆訛則至今日當悉化  
為鬼魅矣人主安得而治之上卒用徵言

蕭魏李顏封建議

唐太宗貞觀五年

上問公卿享國長久之策蕭瑀對曰三代封建而久長  
秦孤立而速亡魏徵曰若封建諸侯則卿大夫咸資俸  
祿必致厚歛李百萬曰使勲戚子孫皆有民社易世之

後將驕淫自恣攻戰相殘害民尤深若守令之迭居也類師古以為分王宗子勿令過大間以州縣雜錯而居互相維持是扶京室於是詔宗室勲賢宜令俸鎮藩部貽厥子孫所司明為條例定等級以聞

○○張玄素修洛陽宮諫 唐太宗貞觀四年

上書曰洛陽未有先幸之期預修宮室非今日之急務也且陛下初平洛陽凡隋氏宮室之宏侈者皆令毀之曾未十年復如舊繕何前日惡之而今日效之也且今日財力何如隋世役瘡夷之人斃亡隋之弊恐又甚于隋帝矣上謂玄素曰然則何如集紂對曰若此役不息

亦同歸於亂耳上嘆曰吾思之不熟乃至於是顧謂玄齡曰玄素所言有理可即罷之後雖有事至洛陽雖露處亦無傷也

○李太亮賑西突厥議

唐太宗貞觀四年

欲懷遠者必先安近中國如本根四夷如枝葉○疲中國以奉四夷猶拔本根以益枝葉○今招致西突厥但有勞費未見有益况河西州縣蕭條不堪供億不如罷之或自立君長求內屬者羈縻受之使居塞外爲中國藩蔽此乃施虛惠而收寔利也上從之○

○魏徵封禪議

唐太宗貞觀六年



群臣請封禪不已上亦欲從之魏徵獨爲不可上曰公不欲朕封禪者以功未高耶德未厚耶中國未安四夷未服耶年穀未登瑞符未至耶對曰今雖有此六者然戶口未復倉廩尚虛車駕東巡供頓勞費又伊洛以東灌莽極目而遠夷君長皆當扈從此乃引戎狄入腹中而示之虛弱也况賞賚不貲未厭遠人之望給復連年不償百姓之勞崇虛名而受寔害陛下將焉用之遂寢

○馬周論時政

唐太宗貞觀十一年

大雨穀洛水溢入洛陽宮壞宮寺民居溺死者六千餘人上令百官上封事極言朕過侍御史馬周上疏以爲

三代及漢歷年多者八百少者不減四百良以恩結人心人不能忘故也自是以降多者六十年少者絕三十餘年皆無恩於人本報不固故也陛下當隆禹湯文武之業爲子孫立萬代之基豈得但恃當年而已今之戶口不及隋之什一而給役者兄去弟還道路相繼陛下雖加恩詔使之裁損然營繕不休民安得息臣觀自古以來百姓愁怨聚爲盜賊其國未有不亡者蓋厲幽膏笑桀紂矣煬帝亦笑周齊矣不可使後之笑今如今之笑煬帝也貞觀之初天下饑歉斗米直匹絹而百姓不怨者知陛下憂念不忘故也今比年豐穰匹絹得粟十

餘斛而百姓怨咨者。知陛下不復念之多營不急之務。故也。自古以來國之興亡。不以畜積多少。在於百姓苦樂。且以近事驗之。隋貯洛口倉。而李密因之。東都積布帛。而世充資之。西京府庫。亦爲國家之用。至今未盡。夫畜積固不可無。要當人有餘力。然後收之。不可彊歛以資寇敵也。夫儉以息人。陛下已拉貞觀之初。親所履行。在於今日。爲之固不難也。陛下必欲爲長久之計。不必遠求上古。但如貞觀之初。則天下甚幸。

○十思疏

唐太宗貞觀十一年

魏徵上疏以爲人主善始者多。克終者寡。豈取之易而

守之難乎。蓋以殷憂則竭誠以盡下。安逸則驕恣而輕  
物。盡下則胡越同心。輕物則六親離德。雖震之以威怒。  
亦皆貌從而心不服。故也。人主誠能見可欲則思知足。  
將興繕則思知止。處高危則思謙降。臨滿盈則思抑損。  
遇逸樂則思樽節。在宴安則思後患。防壅蔽則思延納。  
疾諛邪則思正己。行賞罰則思因喜而僭。施刑罰則思  
因怒而濫。無是十思而選賢任能。固可以無爲而治。又  
何必勞神苦體以代百司之任哉。

○親賢遠奸疏

唐太宗貞觀十一年

魏徵上疏以爲同言而信。信在言前。同令而行。誠在令

外自王道休明十有餘年然而德化未洽者由待下之情未盡誠信故也今立政致治必委之君子事有得失或訪之小人其待君子也敬而疏遇小人也輕而狎狎則言無不盡疏則情不上通中智之人豈無小慧然才非經國慮不及遠雖竭力盡誠猶未免有敗况內懷奸宄其禍豈不深乎夫雖君子不能無小過苟不害於正道斯可畧矣既謂之君子而復疑其不信何異立直木而疑其景之曲乎陛下誠能慎選君子以遵信用之例憂不治不然危忘之期未可保也

志寧馬周襲封議

唐太宗貞觀十三年

上既詔宗室功臣襲刺史于志寧以爲古今事殊恐非  
久安之道上疏爭之馬周亦言堯舜之父猶有朱均之  
子儻有孩童嗣職萬一驕愚兆庶被殃國家受敗正欲  
絕之也則子文之治猶在正欲留之也而樂鑒之惡已  
彰與其毒害於見存之百姓則寧使割恩於已亡之一  
臣然則向所謂愛之者乃適所以傷之也臣謂宜賦以  
茅土疇其戶邑必有財行隨器授官使其人得奉大恩  
而子孫終其福祿會長孫無忌等皆不願之國且言臣  
披荆棘事陛下今海內寧一柰何棄之外州乎上曰割  
地以封功臣古今通議朕欲令公子孫世爲有土之君

而公薄之朕豈彊能以棄士邪乃詔傳之

○十漸疏

唐太宗貞觀十三年

五月旱詔五品以上上封事魏徵以上志業比貞觀初漸不克終遂上疏極言曰臣奉侍幃幄十餘年陛下許臣以仁義之道守而勿失儉約朴素終始弗渝德音在耳豈敢忘也頃年以來寢不克終謹用條陳裨萬分之一陛下在貞觀初清靜寡欲化被方外今萬里遣使市索駿馬并訪珍怪昔漢文帝却千里馬晉武帝焚雉頭裘陛下居常議論遠異堯舜今所為更欲處漢文晉武下乎此不克終一漸也陛下在貞觀初護民之勞矜之如

子不輕營爲頃既奢肆思用人力乃曰百姓無事則爲  
驕勞役則易使自古未有百姓逸樂而致傾敗者何有  
逆畏其驕而爲勞役哉此不克終二漸也陛下在貞觀  
初役已以利物比來縱欲以勞人雖憂人之言不絕於  
口而樂身之事實切諸心此不克終三漸也在貞觀初  
親君子斥小人比來輕襲小人禮重君子重君子也恭  
而遠之輕小人也狎而近之近之莫見其非遠之莫見  
其是莫見其是則不待間而踈莫見其非則有時而昵  
此不克終四漸也在貞觀初不貴異物不作無益而今  
難得之貨雜然並進玩好之作無時而息此不克終五



漸也。貞觀之初，求士如渴，賢者所舉，時信而任之，取其  
所長，常恐不及。比來由心好惡，以衆賢舉而用，以一人  
毀而棄。雖積年任而信，或一朝疑而斥，使讒佞得行，守  
道疏間，此不克終。六漸也。在貞觀初，高居深拱，無田獵  
畢弋之好，數年之後，志不克固，鷹犬之貢，逮及四夷，晨  
出夕返，馳騁爲樂，變起不測，其及救乎？此不克終。七漸  
也。在貞觀初，遇下有禮，群情上達，今外官奏事，顏色不  
接，間因所短，詰其細過，雖有忠款，而不得伸，此不克終。  
八漸也。在貞觀初，孜孜治道，常若不足，此恃功業之大，  
負聖智之明，長傲縱欲，無事興兵，問罪遠裔，此不克終。

九漸也。在貞觀初頻年霜旱畿內戶口並就關外攜老  
扶幼來往數年卒無一戶亡去此正陛下保育撫寧故  
死不攜貳也。比者疲於徭役關中之人勞弊尤甚。既有  
一穀不收百姓之心恐不如前日之恬泰。此不克終十  
漸也。夫禍福無門惟人所召。人無釁萌妖不妄作。今旱  
暵之災遠被郡國凶醜之孽起於畿下。此上天示戒乃  
陛下恐懼憂勤之日也。千載休明時難再得。明主可爲  
而不爲。臣所以鬱結長嘆者也。疏奏帝曰。朕今聞過矣。  
願改之以終善道。有違此言當何施。顏面與公相見哉。  
乃以所上疏列爲屏幃。庶朝夕見之。兼錄付史館。使萬

世知君臣之義復賜徵黃金十斤厯馬十疋、

劉洎謹言

唐太宗貞觀十八年

上好文學而辯敏群臣言事者上引古今以折之多不能對劉洎上書諫曰帝王之與凡庶聖哲之與庸愚上下懸絕是知以至愚而對至明以極卑而對極尊徒思自強不可得也陛下降恩旨假慈顏凝旒以聽其言虛襟以納其說猶恐群下未敢對敷况動神機縱天辯飾詞以折其理引古以排其議欲令凡庶何階應答且多記則損心多語則損氣心氣內損形神外勞初雖不覺後必爲累上飛白答之

○薛謙光選舉疏

唐中宗嗣聖七年

二月太后策貢士於洛陽殿貢士殿試自此始補闕薛謙光上疏曰選舉之法宜得實才取捨之間風化所繫今之選人咸稱覓舉奔競相尚誼訴無慙至於才應經邦惟令試策武能制敵止驗彎弧昔漢武帝見司馬相如賦恨不同時及置之朝廷終文園令知其不堪公卿之任故也吳起將戰左右進劍起曰將者提鼓揮桴臨難決疑一劍之任非將軍也然則虛文豈足以佐時善射豈足以克敵要在文吏察其行能武吏觀其勇略考居官之臧否行舉者之賞罰而已

朱敬則緩刑疏

唐中宗嗣聖九年

太后自垂拱以來任用酷吏先誅唐宗室貴戚數百人  
次及大臣數百家其刺史即將以下不可勝數每除一  
官戶婢竊相謂曰鬼朴又來矣不旬月輒遭掩捕族誅  
監察御史嚴善思公直敢言時告密者不可勝數太后  
亦厭其煩命善思按問引虛伏罪者八百五十餘人羅  
織之黨爲之不振乃相與構善思坐流驪州太后知其  
枉尋復召之補闕朱敬則上疏曰李斯相秦用刻薄變  
詐以屠諸侯不知易之以寬和卒至土崩此不知變之  
禍也漢高祖定天下陸賈叔孫通說之以禮義傳世十

二此知變之善也自文明草昧天地屯蒙三叔流言四凶構難不設鉤距無以應天順人不切刑名不可摧姦息暴故開告端以禁異議然急趨無善迹促柱少和聲向時之妙策乃當今之芻狗也伏願覽秦漢之得失考時事之合宜窒羅織之源掃朋黨之迹使天下蒼生坦然大悅豈不樂哉太后善之賜帛三百段

狄仁傑勸還廬陵王議

唐中宗嗣聖十五年

狄仁傑每從容言於太后曰文皇帝櫛風沐雨親冒鋒鏑以定天下傳之子孫太帝以二子託陛下陛下今乃欲移之他族無乃非天意乎且姪姑之與母子孰親陛下

下立子則千秋萬歲後配食太廟承繼無窮立姪則未聞姪爲天子而祔姑於廟者也太后曰此朕家事卿勿預知仁傑曰王者以四海爲家四海之內何者不爲陛下家事况<sup>前</sup>股肱義同一體臣備位宰相豈得有所不預知乎因勸太后召還廬陵王太后意稍寤

蘇安恒勸復廬陵王疏

唐中宗嗣聖十九年

臣聞天下者神堯文武之天下也陛下雖居正統實因唐氏舊基當今太子追迴年德俱盛陛下貪其實位而忘母子深恩將何聖顏以見唐家宗廟將何誥命以謁天帝墳陵陛下何故日夜積憂不知鍾鳴漏盡臣愚以

爲天意人事還歸李家陛下雖安天位殊不知物極則反器滿則傾臣何惜一朝之命而不安萬乘之國哉

辛替否建官疏

唐中宗景龍二年

始用斜封墨勅除官吏部銓選歲數萬人左拾遺辛替否上疏曰臣聞古之建官負不必備故士有完行家有廉節朝廷有餘俸百姓有餘食今陛下百倍行賞十倍增官使府庫空竭流品混淆陛下又以愛女之故竭人之力費人之財奪人之家愛數子而取三怨使戰士不盡力朝士不盡忠人既散矣獨提所愛何所歸乎君以人爲本本固則邦寧邦寧則陛下之夫婦母丁長相保



矣

姚崇十事疏

唐玄宗開元元年

上每咨崇以天下事崇滾滾不竭上曰卿宜相朕崇乃  
先設事以堅帝意因奏曰垂拱以來以峻法繩下臣願  
先行仁恕可乎朝廷覆師青海未有牽復之悔臣願不  
俾邊功可乎比來壬伋冒觸憲網皆得以寵自解臣願  
法行自近可乎后氏臨朝喉舌之任出閹人之口臣願  
官豎不與政可乎戚里貢獻以自媚於上公卿方鎮寢  
亦為之臣願租賦外切絕之可乎外戚貴主更相用事  
亦為之臣願戚屬不任臺省可乎先朝蒙御大臣虧

君臣之嚴臣願陛下接之以禮可乎燕欽融韋月將以  
忠得罪自是諍臣沮折臣願群臣皆得批逆鱗犯忌諱  
可乎武后造福先帝上皇造金僊玉真二觀費鉅百萬  
臣願絕道佛營造可乎漢以祿莽闢亂天下國家爲  
甚臣願推此鑒戒爲萬代法可乎帝曰朕能行之崇乃  
頓首謝

宋璟復貞觀奏事政

唐玄宗開元五年

貞觀之制中書門下及三品官入奏事必使諫官隨之  
有失則匡正美惡則記之諸司皆於正衙奏事御史彈  
百官服豸冠對伏讀彈文故大臣不得專君而小臣不

得爲讒慝及許敬宗李義府用事政多私僻奏事多俟  
伏下於御座前屏左右密奏監察御史及侍制官遠立  
以俟其退諫官史官皆隨伏出伏下後事不復預聞武  
后以法制群下諫官御史得以風聞言事自御史大夫  
至監察得互相彈奏率以險詖相傾覆及宋璟爲相欲  
復貞觀之政制自今事非的須秘密者皆令對伏奏聞  
史官自依故事

李萼擊魏郡策

唐肅宗至德元年

先是清河客李萼年二十餘爲郡人乞師於真卿曰公  
言唱大義河北諸郡恃公以爲長城今清河公之西鄰

國家平日聚江淮河內錢帛於彼以贍北軍公誠資以  
士卒撫而有之以二郡爲腹心則餘郡如四支無不隨  
所使矣真卿曰吾兵新集未練何暇及鄰然子之請兵  
欲何爲乎萼曰清河非力不足而借公之師也亦以觀  
大賢之名義耳今仰瞻高意未有決辭定色僕何敢遽  
言所爲乎真卿竒之欲與之兵衆以爲萼年少輕慮必  
無所成真卿不得已辭之萼就館復爲書說真卿曰清  
河去逆效順奉粟帛器械以資軍公乃不納而疑之僕  
回轅之後清河不能孤立必有所繫託將爲公西面之  
疆敵公能無悔乎真卿大驚遽詣其館以兵六千借之

送至境執手別因問之曰兵已行矣可以言子之所爲乎萼曰聞朝廷遣程千里將精兵十萬出崞口賊據險拒之不得前今當引兵先擊魏郡執其守將分兵開崞口以出千里之師因討汲鄴以北至于幽陵然後帥諸同盟合兵十萬南臨孟津分兵循河據守要害制其北走之路計官軍東討者不下二十萬河南義兵西向者亦不減十萬公但當表朝廷堅壁勿戰不過月餘賊必有內潰相圖之變矣真卿曰善命軍李擇交等將其兵會清河博平兵五千人軍于堂邑祿山所署魏郡太守素知泰逆戰大敗遂克魏郡軍聲大振

郭從謹致亂疏

唐肅宗至德元年

帝出幸蜀父老弟從謹遣言長壽山包藏禍心固非一日亦有請闕告其謀者陛下徃徃誅之使得逞其奸逆致陛下播越是以臣等務延訪忠良以廣聰明蓋爲此也臣猶記宋景爲御史進直言天下賴以安寧自頃以來在建之臣以言爲諱惟阿諛取容是以闕門之外陛下皆不得知草野之臣必知有今日久矣但九重嚴邃區區之心無路上達事不至此臣何由得覩陛下之面而訴之乎帝亦悔其過

楊琯舉孝廉疏

唐代宗廣德元年

禮部侍郎楊瑄上疏以爲古之選士必取行實近世專  
事文辭自隋煬帝始置進士科猶試策而已至高宗時  
考功員外郎劉思立始奏進士加雜文明經加帖括從  
此積弊而成俗朝之公卿以此待士家之長老以此  
訓子其明經則誦帖括以求僥倖又舉人皆令投牒自  
應如此其以厚朴崇廉讓何可得也請令縣令察孝  
廉取行實而鄉閭學知經術薦之於州刺史考試并之於  
鄉任冬官二經朝廷擇儒學之士問經義二十條對策  
通上第即注官中第得出身下第罷歸又道舉亦非  
理國之弊蓋與明經進士並停或以爲明經進士行之

已久不可遽改事雖不行識者是之

○顏真卿論諫官先白宰相疏

唐代宗大曆元年

元載專權恐奏事者攻訐其私乃請百官論事皆先白宰相然後奏聞真卿上疏曰諫官御史陛下之耳目今使論事者先白宰相是自掩其耳目也太宗著司門式云其無門籍人有急奏者皆令門司與仗家引奏無得開礙所以防壅蔽也李林甫爲相深疾言者下情不通卒成韋蜀之禍今宰相大臣裁而抑之則天下之士從此銷口結舌陛下見無復言者以爲天下無事可論是李林甫復起於今日也陛下儻不早寤漸成孤立後雖



名臣奏疏 卷之四  
悔之亦無及矣載以爲誹謗貶之

高郢止崇佛疏

唐代宗大曆二年

魚朝恩作章敬寺進士高郢上疏曰先太后聖德不必以一寺增輝國家永圖無寧以百姓爲本捨人就寺何福之爲且古之明主積善以致福不費財以求福脩德以消禍不勞人以禳禍今徇左右之過計傷皇王之大猷臣竊爲陛下惜之不報

沈既濟選舉議

唐代宗大曆十四年

沈既濟上選舉議議曰選舉之法三科曰德也才也勞也然安行徐言非德也靡藻芳翰非才也累資積考非

勞也。今乃以此求天下之士，固未盡矣。臣謂五品以上及郡司長官，宜令宰臣進敘。吏部、兵部得參議焉。其六品以下，或僚左之屬，許州府辟用。其或選用非公，則吏部、兵部察而舉之，加以譴黜，則衆才咸得，而官無不治矣。

○○劉宴擇人法

唐德宗建中元年

晏常以爲辦集衆務在於得人，故必擇通敏精悍廉勤之士而用之。至於句檢簿書，出納錢穀事，雖至細，必委之士類。吏惟書符牒，不得輕出一言。常言：士陷賄賂，則淪棄於時，名重於利，故多士清修。吏雖廉潔，終無顯榮。

利重於名故吏多貪汚然惟晏能行之他人效者終莫逮其場院要劇之官必盡一時之選故晏之後掌財賦有聲者多晏之故吏也

○劉晏理財法 唐德宗建中元年

宴又以戶口滋多則賦稅自廣故其理財常以養民爲先諸道各置知院官每旬月具州縣雨雪豐歉之狀白使司豐則貴糶歉則賤糶或以穀易雜貨供官用及於豐處賣之知院官始見不稔之端先申至某月須若干蠲免某月須若干救助及期劉晏不俟州縣申請即奏行之應民之急未嘗失時不待其困弊流亡餓莩然後

賑之也由是民得安其居業戶口蕃息。

○劉晏榷鹽法

唐德宗建中元年

宴專用榷鹽法充軍國之用時自許汝鄭鄧之西皆食河東池鹽度支主之汴渭唐蔡之東皆食海鹽宴主之晏以爲官多則民擾故但於出鹽之鄉置鹽官取鹽戶所煮之鹽但鬻於商人任其所之自餘州縣不復置官其江嶺間去鹽鄉遠者轉官鹽於彼貯之或商絕鹽貴則減價鬻之謂之常平鹽官獲其利而民不乏鹽貴其始江淮鹽利不過四十萬緡季年乃六百餘萬緡由是國用充足而民不因弊其河東鹽利不過八十萬緡而

價復貴於海鹽、

○劉宴轉漕法

唐德宗建中元年

先是運關東入入長安者以河流湍悍率一斛得八斗至者則爲成勞受優賞宴以爲江汴河渭水力不同各置便宜造運船教漕卒江船達揚州汴船達河陰河船達渭口渭船達太倉其間緣水置倉轉相受給自是每歲運穀或至百餘萬斛無斗升沉覆者船十艘爲一綱使軍將領之十運無<sup>其</sup>入授優勞官其人數運之後無不班白者

○劉宴造船法

唐德宗建中元年

晏於楊子置一場造船每艘給錢千緡或曰所用實不及半虛費太多晏曰不然論大計者固不可惜小費凡事必爲永久之慮今始置船塢執事者至多當先使之私用無窘則官物堅完矣若遽與之屑屑較計錙銖安能久行乎異日必有患吾所給多而減之者減半以下猶可也過此則不能運矣後五十年有司果減其半及咸通中有司計費而給之無復羨餘船益脆薄易壞漕運遂費矣晏爲人勤力事無閑劇必於一日中決之不使留宿後來言財利者皆莫能及之

陸贄論兩河用兵

唐德宗建中四年

初上在東宮聞監察御史陸贄名及即位召爲翰林學士數問以得失時兩河用兵久不決贄役日滋贄以兵窮民困恐別生內變乃上奏其略曰克敵之要在乎將得其人馭將之方在乎操得其柄將非其人者兵雖衆不足恃操失其柄者將雖材不爲用又曰將不能使兵國不能馭將非止費財翫寇之弊亦有不戢自焚之灾又曰無紓目前之虞或興意外之患人者邦之本也財者人之心也其心傷則其本傷其本傷則枝幹顛瘁矣又論關中形勢以爲王者蓄威以昭德偏廢則危居重以馭輕倒持則悖王畿者四方之本也太宗列置府兵

分隸禁衛大凡諸府八百餘所而在關中者殆五百焉  
舉天下不敵關中之半則居重馭輕之意明矣承平漸  
久武備寢微雖府衛俱存而卒乘罕習故祿山竊倒持  
之柄乘外重之資一舉滔天兩京不守是皆失居重馭  
輕之權忘深根固蒂之慮陛下之想及此豈不爲之寒  
心哉今朔方太原之衆遠在山東神策六軍之兵繼出  
關外關輔之間徵發已甚宮苑之內備衛不全萬一將  
帥之中有如朱滔希烈或負固邊壘誘致豺狼或竊發  
郊畿驚犯城關未審陛下復何以備之陛下儻過聽愚  
計所遣神策六軍李晟等及卽將子弟悉可追還明勅



涇隴邠寧但令嚴備封守仍云更不徵發使知各保安  
居又降德音勸京師及畿縣間架等雜稅則冀已輸者  
者弭怨見處者獲寧人心不搖邦本自固上不能用

陸贄資理興邦疏

唐德宗建中四年

上與陸贄語及亂故深自克責贄曰致今日之患皆群  
臣之罪也上曰此亦天命非由人事贄退上疏以爲陛  
下徵師日滋賦歛日重內自京邑外洎邊鄙行者有鋒  
刃之憂居者有誅求之困是以叛亂繼起怨讟並興陛  
下有股肱之臣有耳目之任有諫諍之列有備衛之司  
見危不能竭其誠臨難不能效其死臣所謂致今日之

患群臣之罪者豈徒言歟臣聞理或生亂亂或資理有以無難而失守有因多難而興邦今生亂失守之事則既往不可復追矣其資理興邦之業在陛下克勵而謹修之何憂乎亂人何畏乎厄運勤勵不息足致昇平豈止蕩滌祗氛旋復宮闕而已

○陸贄兩情九獎疏

唐德宗建中四年

上問陸贄以當今切務贄以嚮日致禍由上下之情不通勸上接下從諫其略曰易乾下坤上曰泰坤下乾上曰否損上益下曰益損下益上曰損夫天在下而地處上於位卑矣而反爲泰者上下交故也君在上而臣處

下於義順矣而反謂之否者上下之不交故也上約已而裕於人人必悅而奉上矣豈不謂之益乎上蔑人而肆諸己人必怨而叛上矣豈不謂之損乎又曰人君臨下當以誠信爲本馭之以智則人詐示之以疑則人偷上行下效上施下報若誠不盡於己而望盡於人衆必怠而不從矣不誠於前而曰誠於後衆必疑而不信矣是故忠信之道不可斯須去身願陛下慎守而力行之夫仲虺贊成湯不稱其無過而稱其改過吉甫誦周宣不美其無闕而美其補闕是以聖賢唯以改過爲難而不以無過爲貴又曰爲下者莫不願忠爲上者莫不求

理然而下每苦上之不理上每苦下之不忠若是者何  
曰情不通故也下之情莫不願達乎上上之情莫不求  
通於下然而下恒苦上之難達上恒苦下之難知若是  
者何九弊不去故也所謂九弊者上有其六而下有其  
三好勝人耻聞過騁辨給眩聰明厲威嚴恣彊愎此六  
者君上之弊也諂諛過望畏愎此三者臣下之弊也又  
曰諫者多表我之能好諫者直示我之能賢諫者之狂  
誣明我之能怨諫者之漏泄彰我之能從有一於此皆  
爲盛德上頗用其言

陸贄勸下罪己詔

唐德宗興元元年

陸贄言於上曰。今盜遍天下。輿駕播遷。陛下宜痛自引過。以感人心。昔成湯以罪已。勃興楚昭以善言復國。陛下誠能不吝改過。以言謝天下。使詔書無所避忌。臣雖愚陋。可以仰副聖情。庶令反側之徒。革心向化。上然之。以中書所撰赦文示贄。贄上言。以爲動人以言。所感已淺。言又不切。人誰肯懷。又以知過非難。改過爲難。言善非難。行善爲難。假使赦文至精。止於知過。言善猶願聖慮更思所難。上然之。乃下詔曰。朕長於深宮之中。暗於經國之務。積習易溺。居安忘危。不知稼穡之艱難。不恤征戍之勞苦。澤靡下究。情未上通。事既壅隔。人懷疑阻。

猶昧省已遂用興戎徵師四方轉餉千~~里~~賦車籍~~馬~~遠  
近騷然行賁居送衆庶勞止天譴於上而朕不悟人怨  
於下而朕不知馴至亂階變遷都邑萬品失序九廟震  
驚上累於祖宗下負於蒸庶痛心覩貌罪實在予永言  
愧悼若墜泉谷自今中外所上書奏不得更言聖神文  
武之號李希烈田悅王武俊李納等咸以勲舊各守藩  
維朕撫御乖方致其疑懼朕實不君人則何罪宜并所  
管將吏等一切待之如初朱滔雖緣朱泚連坐路遠必  
不同謀如能效順亦與維新朱泚盜竊名器暴犯陵寢  
獲罪祖宗朕不敢赦其協從將吏百姓等去逆效順並

從赦例其所加墊陌錢架竹木茶漆榷鹽之類悉宜停  
罷赦下四方人心大悅李抱真入朝王武俊田悅李納  
等皆去王號、

○陸贄勸推誠疏

唐德宗興元元年

贄上奏其略曰以一人之聽覽而欲窮宇宙之變態以  
一人之防慮而欲勝億兆之奸欺後智彌精失道彌遠  
項籍納秦卒二十萬慮其懷詐復叛一舉而盡阬之其  
於防虞亦已甚矣漢高豁達大度天下之士至者納用  
不疑其於備慮可謂䟽矣然而項氏以滅劉氏以昌蓄  
疑之與推誠其效固不同也秦王嚴肅雄猜而荆軻奮

其陰計光武寬容博厚而後輸其款誠豈不以虛懷待  
人人亦思附任數御物終不親入曰陛下智出廢物  
有輕待人臣之心思周其機有獨馭區寓之意謀吞衆  
略有過慎之防明照群情有先事之察嚴束百辟有任  
刑致理之規威制四方有以力勝殘之志由是才能者  
怨於不任忠盡者憂於見疑著勲業者懼於不容懷反  
側者迫於及討馴致離叛構成禍災願陛下以覆車之  
轍爲戒實宗社無疆之休

李泌議復府兵

唐德宗貞元二年

爲上歷敘府兵言府兵平日皆安居田畝每府有折



衝領之折衝以農隙教習戰陳國家有徵發則以符契下其州及府參驗發之至所期處將帥按閱有教習不精者罪其折衝甚者罪及刺史軍還賜勲加賞便道罷之行者近不踰時遠不經歲高宗以劉仁軌爲洮河鎮守使以圖吐蕃於是始有久戍之後后氏以來承平日久府兵侵墮爲人所賤百姓耻之至蒸尉手足以避其役又牛僊客以積財得宰相邊將效之山東戍卒多賣繒帛自隨邊將誘之寄於府庫晝則苦役夜繫地牢利其死而沒入其財故自天寶以後山東戍卒還者十無二三其殘虐如此然未嘗有外叛內侮殺帥自擅者誠

以顧戀田園恐累宗族故也自開元之末張說始募長  
征兵謂之彍騎其後益爲六軍及李林甫爲相奏請軍  
皆募人爲之兵不土著又無宗族不自重惜忘身徇利  
禍亂遂生至今爲梗鼎使府兵之法常存不廢安有如  
此下陵上替之患哉陛下急復府兵此乃社稷之福太  
平有日矣

李泌因事納忠疏

唐德貞元三年

以李泌同平章事泌初視事上謂泌曰朕欲與卿有約  
慎勿報仇有恩者朕爲卿報之對曰臣素奉道不與人  
爲讐李輔國元載皆害臣者今自斃矣素所善者率已

顯達或多零落臣無可報也臣今日亦願與陛下爲約可乎上曰可泌曰願陛下勿害功臣則天下永無事矣

陸贄請長官舉屬吏

唐德宗貞元八年

陸贄請令臺省長官各舉其屬未幾或言於上曰諸司所舉皆有情故或受貨賂不得實才上密諭贄自今除改卿宜自擇勿任諸司贄上奏其略曰臺省長官乃將來之宰相豈有爲長官之時不能舉一二屬吏居宰相之位則可擇千百具僚是以人主擇輔臣輔臣擇庶長庶長擇佐僚將務得人無易於此夫求才貴廣考課貴精注者則天欲收人心違用不次然而課責嚴進退皆

速是以當代誦知人之明累朝賴多士之用上竟追前  
詔不行

○陸贄歲運和糴議

唐德貞元八年

贄言舊制關中歲運東方租米至有斗錢運斗米之言  
習聞見而不達時宜者則以爲國之大事不計費損習  
近利而不防遠患者則以爲不若畿內和糴爲易臣以  
爲兩家之語互有長短將制國用須權重輕食不足而  
財有餘則弛財而務實倉廩食有餘而財不足則緩食  
而蓄用貨泉

○杜黃裳任賢對

唐憲宗元和元年

上與宰相論自古帝王或勤勞廢政或端拱無爲立有  
得失何爲而可杜黃裳對曰王者上承天地宗廟下撫  
百姓四夷夙夜憂勤故不可自暇自逸然上下有分紀  
綱有序苟慎選天下賢才而委任之有功則賞有罪則  
刑選用以公賞刑以信則誰不盡力何求不獲哉明主  
勞於求賢而逸於任人此虞舜所以能無爲而治者也  
至於簿書獄市煩細之事各有司存非人主所宜親也  
昔秦始皇以衡石程書魏明帝自按行尚書事隋文帝  
衛士傳餐皆無補於當時取譏於後來其耳目形神非  
不勤且勞也所務非其道也夫人主患不推誠人臣患

不竭忠苟上疑其下下欺其上將以求理亦難乎上  
深然其言

○李絳政事疏

唐憲宗元和二年

上嘗稱太宗玄宗之盛欲庶幾二祖之道德風烈何行  
而至此乎絳曰陛下誠能正身勵已尊道貴德遠邪佞  
進忠直與大臣言敬而信無使小人參焉與賢者游親  
而禮無使不肖與焉如是則可與祖宗合德號稱中興  
夫何遠之有帝曰美哉斯言朕將書紳

○李絳論河北淮西事體

唐憲宗元和四年

上欲革河北諸鎮世襲之弊乘王士真死欲自朝廷除

人不從則興師討之李絳對曰河北不遵聲教誰不憤歎然今日取之或恐未能成德軍自武俊以來父子相承四十餘年人情貫習不以爲非况承宗已總軍務一旦易之恐未即奉詔又范陽劉濟魏博田委安易定張茂昭淄青李師道以地相傳與成德同體彼聞成德除人必內不自安陰相黨助未可輕議也

時吳少誠病甚李絳上言曰少誠病必不起淮西事體與河北不同四旁皆國家州縣不與賊鄰無黨援相助朝廷命帥今正其時萬一不從可議征討願赦承宗以冀其慕之心坐待機宜必獲申蔡之利

○權德輿寬猛對

唐憲宗元和四年

上問輿爲政寬猛何先對曰秦以慘刻而亡漢以寬大  
而興太宗觀明堂圖禁杖人背是故安史以來屢有叛  
逆之臣皆旋踵而亡由祖宗仁政結於人心人不能忘  
故也然則寬猛之先後可見矣上善其言

○條魏博事宜

唐憲宗元和七年

魏博田季安卒冬十月魏博兵馬使田興請吏奉貢詔  
以興爲節度使季安卒諸將立其子懷諫爲副使上與  
宰相議魏博事吉甫請興兵討之李絳以爲魏博不必  
用兵當自歸朝廷今懷諫乳臭子不能自聽斷軍府大



權必有所歸。田氏不爲屠肆，則悉爲俘囚矣。既而懷諫  
幼弱，軍政皆決於家僮。衆皆憤怒，田興晨入府，士卒數  
千人大譟，環興四拜，請爲留後。興度不免，乃謂衆曰：汝  
肯聽吾言乎？皆曰：惟命。興曰：勿犯副大使，守朝廷法令。  
申版籍，請官吏，然後可。皆曰：諾。興乃遷懷諫於外。十月  
魏博監軍以狀聞。上亟召宰相，謂李絳曰：卿揣魏博若  
符契。李吉甫請遣中使宣慰，以觀其變。李絳曰：不可。今  
田興奉其土地兵衆，雖詔命不乘此際，推心撫納，結以  
大恩，必待勅使至，彼持將士表來，爲請節鉞，然後與之。  
則是恩出於下，非出於上。將士爲重，朝廷爲輕。機一

先帝之無上德之以興爲魏博節度使制命至魏州  
興感恩源公無不鼓舞

李絳又言魏博五十餘年不需皇化一旦舉六州之地  
來歸剗河朔之腹心傾叛亂之巢穴不有重賞過其所  
望則無以慰士卒之心使四鄰勸慕請發內庫錢百五  
十萬緡以賜之左右宦官以爲所與太多後有此比將  
何以給之上以語絳絳曰田興不貪土地之利不顧四  
鄰之患歸命聖朝陛下柰何愛小惠而遺大計不以收  
一道人心錢用盡更來機一失不可復追借使國家發  
十五萬以取六州期年而克之其費豈止百五十萬緡

而已乎上悅曰朕所以惡衣菲食蓄聚貨財正欲爲平  
定四方不然徒貯之府庫何爲十一月遣知制誥裴度  
至魏博宣慰以錢百五十萬緡賞軍士六州百姓給復  
一年軍士受賜歡聲如雷成德充鄆使者數輩見之相  
顧失色嘆曰倔彊者果何益乎度爲興陳君臣上下之  
義興聽之終夕不倦

李愬論平淮蔡

唐憲宗元和十二年

李愬既平淮蔡還軍文城諸將請曰始公敗於朗山而  
不憂勝於吳房而不取冒大風盛雪而不止孤軍深入  
而不懼然卒以成功皆衆人所不諭也愬曰朗山不獲

則賊不爲備矣。吳房則其衆奔落，併力固守，故存之以分其兵。風雲陰晦，則烽火不接，不知吾至。孤軍深入，則人皆致死，戰自倍矣。夫視遠者不顧近，慮大者不計細。若矜小勝，恤小敗，先自撓矣。何暇立功乎？衆皆服，懇儉於奉已，而豐於待士，知賢不疑，見可能斷，此其所以成功也。

○韓愈諫佛骨疏

唐憲宗元和十四年

上留佛骨於京師，愈上表切諫，以爲佛者夷狄之一法，爾自黃帝以至禹湯文武，皆臻壽考，百姓安樂，當是時未有佛也。漢明帝時始有佛法，其後亂亡相繼，運祚不

長宋齊梁陳元魏以下事佛漸謹年代尤促惟武帝在  
位四十八年前後三捨身爲寺家奴竟爲侯景所逼饑  
死臺城國亦尋滅事佛求福乃更得禍由此觀之佛不  
足信亦可知矣百姓愚冥易惑難曉苟見陛下如此皆  
云天子大聖猶一心敬信百姓微賤豈可更惜身命佛  
本夷狄之人不知君臣之義父子之恩假如其身尚在  
來朝京師陛下容而接之不過宣政一見禮賓一設賜  
衣一襲衛而出之於境不令惑衆也况其身死已久枯  
朽骨豈宜令入宮禁乞以此骨付諸有司投諸水火永  
絕根本斷天下之疑絕後代之惑使天下之人知大聖

人之所作爲出於尋常萬萬也豈不盛哉

李德裕獻丹宸六箴

唐敬宗寶曆元年

上遊幸無常、晚比群小、大臣罕得進見、李德裕獻丹宸六箴、一曰宵衣以諷、視朝稀晚、二曰正服以諷、服御乖異、三曰罷獻以諷、徵求玩好、四曰納誨以諷、侮棄讜言、五曰辨邪以諷、信任群小、六曰防微以諷、輕出遊幸、上優詔荅之、

杜牧罪言

唐文宗太和七年

杜牧憤河朔三鎮之傑驚而朝廷議者專事姑息乃作書名曰罪言大畧以爲國家自天寶盜起河北百餘城

不得尺寸之用人望之若回鶻吐蕃無敢窺者齊梁蔡  
被其風流因以爲寇未嘗五年間不戰焦焦然七十餘  
年矣今上策莫如先自治中策莫如取魏最下策爲浪  
戰不計地勢不審攻守是也又傷府兵廢壞作原十六  
衛以爲國家始踵隋制開十六衛自今觀之設官言無  
謂者其十六衛乎本原事迹其實天下之大命也貞觀  
中內以十六衛蓄養戎臣外開折衝果毅府百七十四  
以儲兵伍有事則戎臣提兵居外無事則放兵居內三  
時耕稼一時治武籍藏府伍散田畝力解勢破人人  
自愛雖有蚩尤爲帥亦不可使爲亂耳及其居外也緣

部之兵被檄乃來斧鉞在前爵賞在後飄暴交梓豈暇  
異國雖有蚩尤爲帥亦無能爲叛也自貞觀至于開元  
百三十年間戎臣兵伍未始逆篡此大聖人所以柄統  
輕重制鄣表稟聖算神術也至于開元末愚儒請罷府  
兵武夫請搏四夷於是府兵內剝邊兵外作尾大中乾  
成燕偏重而天下掀然根萌燼燃矣蓋兵居外則叛居  
內則篡使外不叛內不篡其置府兵衛乎

戰論

唐文宗太和七年

又作戰論曰河北視天下猶珠璣天下視河北猶四支  
河北氣俗渾厚果於戰耕加以土息健馬便於馳敵是



以出則勝、處則饒、不窺天下之產、自可封殖、亦猶農  
之家、不待珠璣、然後以爲富、國家無河北、則精甲銳卒、  
良弓健馬、無有也、誠能治其五敗、則一戰可定、四支可  
生、戰士離落、甲兵鈍弊、是不蒐練之過一也、百夫荷戈、  
千夫仰食、是不責實之過二也、小勝則張、邀賞貴極、  
富溢則不肯搜奇出死、此厚賞之過三也、喪實不罪、此  
輕罰之過四也、夫將兵柄、不得自專、此不專任之過五  
也、今誠欲調持干戈、還掃垢汙、以爲萬世安、而乃踵前  
非、是不可爲也。

○李德裕論朋黨

唐文宗開成五年

李裕入謝言於上曰致理之要在於辨群臣之邪正夫  
邪正二者勢不相容正人指邪人爲邪邪人亦指正人  
爲邪人主辨之甚難臣以爲正人如松栢特立不倚邪  
人如藤蘿非附他物不能自起故正人一心事君而邪  
人競爲朋黨先帝深知朋黨之患然所用卒皆朋黨之  
人良由執心不定故姦邪得乘間而入也夫宰相不  
人人忠良或爲欺罔主心始疑於是旁詢小臣以察執  
政如德宗末年所聽任者惟裴延齡宰相署勅而已此  
政事所以日亂也陛下誠能慎擇賢才以爲宰相有姦  
罔者立黜去之常令政事皆出中書推心委任堅定不

移則天下何憂不理哉

○論澤潞事體

唐武宗會昌三年

昭義節度使劉從諫薨其子稹秘不發喪逼監軍奏稱從諫疾病請命稹爲留後上以澤潞事謀於宰相李德裕曰澤潞事體與河朔三鎮不同河朔習亂已久人心難化是故累朝已來置之度外澤潞近處腹心一軍素稱忠義頃時多用儒臣爲帥如李抱真成立此軍德宗猶不許承襲敬宗不恤國務宰相又無遠略劉悟之死因循以授從諫從諫跋扈難制累上表迫脅朝廷今垂死之際復以兵權擅付豎子朝廷若又因而授之則四

方諸鎮誰不思效其所爲天子威令不復行矣上曰卿以何術制之對曰稹所恃者河朔三鎮但得鎮魏不與之同則稹無能爲也若遣重臣往諭王元逵何弘敬以河朔自艱難以來列聖許其傳襲已成故事與澤潞不同今朝廷將加兵澤潞不欲更出禁軍至山東其山東三州隸昭義者委兩鎮攻之兼令徧諭將士以賊平之日厚加官賞苟兩鎮聽命不從旁沮撓官軍則稹必成擒矣上喜曰吾與德裕同之保無後悔遂決意討稹群臣言者不復入矣上命德裕草詔以王元逵爲澤潞北面招討使何弘敬爲南面招討使

李德裕面諭三鎮

唐武宗會昌四年

河北三鎮遣使至京師、裕諭之曰、河朔兵力雖強、不能自立、須籍朝廷官爵威命、以安軍情、語汝使、與其使大將邀勅、使以求官爵、何如自奮忠義、立功立事、結知明主乎、且李載義爲國家平滄景、及爲軍中所逐、不失作節度使、楊志誠遣大將遮勅、使馬求官、反爲軍中所逐、朝廷竟不赦其罪、此二人禍福足觀矣、由是三鎮不敢有異志、

王式論兵

唐懿宗咸通元年

李承嗣、賊裘甫攻陷象山、浙東騷動、安南都護王式討平

之式擒裴甫諸將請曰某等生長軍中久更行陣今幸  
得從公破賊然私有所不論者敢問公之始至軍食方  
急而遽散之何也式曰此易知耳賊聚穀以誘饑人吾  
給人食則彼不爲盜矣且諸縣無守兵賊至則倉庫適  
是資之耳不置烽燧何也式曰烽燧所以趣救兵也今  
兵盡行無以繼之徒驚士民使自潰亂耳使懦卒爲候  
騎而少給兵何也式曰彼勇卒操利兵遇敵且至勇力  
而聞聞死則賊至不知矣皆拜曰非所及也

孟昭圖遠宦官疏

唐僖宗中和元年

上日夕與宦官議天下事圖上疏曰天下者高祖太宗

之天下非北司之天下天子者九州四海之天子非北司之天子北司未必盡可信南司未必盡無用若天子與宰相了無關涉朝臣皆若路人臣恐收復之期尚勞宸慮䟽上不報

韓偓除宦官䟽

唐昭宗天復元年

崔胤欲盡除宦官上召韓偓問之對曰今不若擇其尤無良者數人明示其罪置之於法然後撫諭其餘擇其忠厚者使爲之長有善則獎有惡則懲則咸自安矣豈可盡誅耶夫帝王之道當以厚重鎮之公正御之至於瑣細機巧此機生則彼機應矣終不能成大功况今朝

廷之權散在四方苟能先收此權則事無不可爲者上深以爲然曰此事終以屬卿

李襲吉論富強

唐昭宗天復二年

汴兵圍晉陽李克用以貯糧繕兵修城利害問於幕府李襲吉對曰富國不在倉儲兵強不由衆寡伯國無貧主強將無弱兵願大王崇德愛人去奢省役設險固境訓兵務農定亂者選武臣制禮者選文吏錢穀有司刑法有律誅賞由我則下無威福之弊近密多正則人無譖謗之憂如此則國不求富而自富不求安而自安矣

王朴平江策

周世宗柴顯德二年



周世宗有削平天下之志、謂宰相曰、朕每思致治之方、未得其要、寢食不忘、又自唐晉以來、吳蜀幽并皆阻聲教、未能混一、宜命近臣著爲君難爲臣不易論、及開邊策一篇、朕將覽焉。比部郎中王朴獻策、以爲中國之失、吳蜀幽并皆由失道、今必先觀所以失之之原、然後知所以取之之術、其始失之也、莫不以君暗臣邪、兵驕民困、奸黨內熾、武夫外橫、因小致大、積微成著、今欲取之、莫若反其所爲而已。夫進賢退不肖、所以收其才也、恩德誠信、所以結其心也、賞功罰罪、所以盡其力也、去奢節用、所以豐其才也、時使薄歛、所以阜其民也、俟群才

既集政事既治財用既充士民既附然後舉而用之功  
無不成矣彼之人觀我有必取之勢則知其情狀者願  
爲間諜知其山川者願爲嚮導民心既歸天意必從矣  
凡攻取之道必先其易者唐與吾接境幾二千里其勢  
易擾也擾之當以無備之處爲始備東則擾西備西則  
擾東彼則奔走而救之奔走之間可以知其虛實強弱  
然後避實擊虛避強擊弱未須大舉且以輕兵擾之南  
人懦怯聞小有警必悉師以救之師數動則民疲而財  
竭不悉師則我可以乘虛取之如此江北諸州將悉爲  
我有既得江北則用彼之民行我之法江南亦易取既

得江南則巴蜀可傳檄而定南方既定則燕地必望風  
內附若其不至移兵攻之席卷可平矣惟河東必死之  
寇不可以恩信誘必當以強兵制之然彼自高平之敗  
力竭氣沮必未能爲邊患宜且以爲後圖俟天下既平  
然後伺間一舉可擒也今士卒精練甲兵有備群下畏  
法諸將効力期年之後可以出師宜自夏秋蓄積實邊  
矣世宗欣然納之